


T522/8203 f(5)
THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 22 1958

秋官



周禮

漢鄭康成注

唐陸德明音義

秋官司寇第五

惟王建國辨方正位體國經野設官分職以為民極乃立秋官司寇使帥其屬而掌邦禁以佐王刑邦國

禁所以防姦者也刑正人之灋孝經說曰刑者例也過出罪施

刑例音

刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士卅有二人

士察也主察獄訟之事者鄭司農說以論語曰柳下惠為士師

鄉士主六鄉之獄鄉音香注同

府六人史十有二人胥十有二人徒百有廿人

司農秋官

序官

福禮堂

塔漢大學漢和圖書館珍藏印

遂士中士十有二人。府六人。史十有二人。胥十有二人。徒百有廿人。

遂士主六遂之獄者。

縣士中士卅有二人。府八人。史十有六人。胥十有六人。徒百有六十八人。

距王城三百里至四百里曰縣。縣士主縣之獄者。

方士中士十有六人。府八人。史十有六人。胥十有六人。徒百有六十八人。

方士主四方都家之獄者。

訝士中士八人。府四人。史八人。胥八人。徒八十八人。

訝迎也。士官之迎四方賓客。訝五嫁反。

朝士中士六人。府三人。史六人。胥六人。徒六十八人。

朝士主外朝之灋。朝直逆反。卷內同。

司民中士六人。府三人。史六人。胥三人。徒卅人。

司民主民數。

司刑中士二人。府一人。史二人。胥二人。徒廿人。

司刺下士二人。府一人。史二人。徒四人。

刺殺也。三訊罪定則殺之。刺七賜反。訊音信。

司約下士二人。府一人。史二人。徒四人。

約言語之約束。約劉於妙反。一音如字。注同。東劉詩樹反。一音如字。

司盟下士二人。府一人。史二人。徒四人。

盟以約辭告神。殺牲歃血。明著其信也。曲禮曰。涖牲曰盟。約於妙反。敵所

洽反。

職金。上士二人。下士四人。府二人。史四人。胥八人。徒八十八人。

職主也。

司厲下士二人。史一人。徒十有二人。

犯政為惡曰厲。厲士主盜賊之兵器及其奴者。

犬人下士二人。府一人。史二人。賈四人。徒十六人。賈音嫁。又音古。

司圜中士六人。下士十有二人。府三人。史六人。胥十有六人。徒百有六十人。

鄭司農云。圜謂圜土也。圜土謂獄城也。今獄城曰圜。司圜職中言凡圜土之刑人也。以此知圜者謂圜土也。又大司寇職曰以

圜土聚教罪民。故司圜職曰掌收教罷民。圜于權反。罷音皮下同。

掌囚下士十有二人。府六人。史十有二人。徒百有廿八人。

囚拘也。主拘繫當刑殺之者。

掌戮下士二人。史一人。徒十有二人。

戮猶辱也。既斬殺又辱之。

司隸中士二人。下士十有二人。府五人。史十人。胥廿八人。徒二百人。

隸給勞辱之役者。漢始置司隸亦使將徒治道溝渠之役。後稍尊之。使主官府及近郡。

罪隸百有廿八人。

盜賊之家為奴者。

蠻隸百有廿八人。

征南夷所獲。

閩隸百有廿八人。

閩南蠻之別。閩亡巾反。又音文。

夷隸百有廿八人。

征東夷所獲。

貉隸百有廿人。

征東北夷所獲。凡隸衆矣。此其選以爲役員。其餘謂之隸民。
貉孟

布憲中士二人。下士四人。府二人。史四人。胥四人。徒四十人。

憲表也。主表刑禁者。

禁殺戮下士二人。史一人。徒十有二人。

禁殺戮者。禁民不得相殺戮。

禁暴氏下士六人。史三人。胥六人。徒六十人。

野廬氏下士六人。胥十有二人。徒百有廿人。

廬賓客行道所舍。

蜡氏下士四人。徒四十人。

蜡。骨肉腐臭。蠅蟲所蜡也。月令曰。掩骼埋胔。此官之職也。蜡讀

如狙司之狙。

蜡。清預反。注同。蠅以繩反。骼。吏白反。狸。亡皆反。本又作埋。胔。本又作齒。似賜反。

雍氏下士二人。徒八人。

雍。謂隄防止水者也。

雍於勇反。劉如字。注同。隄。于兮反。

萍氏下士二人。徒八人。

鄭司農云。萍。讀爲蜚。或爲萍。號起雨之萍。元謂今天問萍。號作

萍。爾雅曰。萍。萍。其大者蘋。讀如小子言平之平。萍氏主水禁。萍

之草。無根而浮。取名於其不沈溺。

萍音平。又蒲丁反。蜚。蒲丁反。爾雅云。蛟。蟻。蜚。郭注云。甲蟲。大如虎。豆綠色。萍。號。蒲丁

反。萍。音平。本亦作萍。同。萍。蒲丁反。蘋。音頻。

司寤氏下士二人。徒八人。

寤。覺也。主夜覺者。

覺音教。下同。

司烜氏下士六人。徒十有二人。

烜。火也。讀如衛侯燬之燬。故書燬爲垣。鄭司農云。當爲烜。

烜音毀。注燬同。

垣劉音袁。

條狼氏下士六人胥六人徒六十人。

杜子春云。條當為滌器之滌。元謂滌除也。狼。狼扈道上。條音滌。徒歷反。注同。

脩閭氏下士二人史一人徒十有二人。

閭謂里門。

冥氏下士二人徒八人。

鄭司農云。冥讀為冥氏。春秋之冥。元謂冥方之冥。以繩縻取禽

獸之名。冥如字。又莫歷反。縻。亡皮反。

庶氏下士一人徒四人。

庶讀如藥。煮之煮。驅除毒蠱之言。書不作蠱者。字從聲。庶依注音。藥煮之煮。

又章預反。蠱音古。

穴氏下士二人徒四人。

穴。搏蟄獸所藏者。搏音博。劉音付。蟄直立反。

翬氏下士二人徒八人。

翬。鳥翮也。鄭司農云。翬讀為翹。翼之翹。翹音翹。失鼓反。又吉鼓反。

柞氏下士八人徒廿八人。

柞。除木之名。除木者。必先刊剝之。鄭司農云。柞讀為音聲。喏喏之喏。屋竿之竿。柞側百反。注。喏屋。竿皆同。劉古飽反。

薙氏下士二人徒廿八人。

書薙或作夷。鄭司農云。掌殺草。故春秋傳曰。如農夫之務去草。

芟夷。蘊崇之。又今俗間謂麥下為夷下。言芟夷其麥。以其下種

禾豆也。元謂薙讀如鬚。小兒頭之鬚。書或作夷。此皆剪草也。字

從類耳。月令曰。燒薙行水。謂燒所芟草。乃水之。薙字或作雉。同他計反。徐庭計反。去起呂反。芟

所銜反。薙。紆粉反。徐憂羣反。鬚。他計反。

月示
碧族氏下士一人徒二人

鄭司農云碧讀為擿族讀為爵族之族謂巢也元謂碧古字從石折聲碧音摘他歷反徐支列反沈勅微反李又思亦反族倉獨反

翦氏下士一人徒二人

翦斷滅之言也主除蟲蠹者詩云實始翦商蠹都路反

赤友氏下士一人徒二人

赤友猶言抆拔也主除蟲豸自理者赤如字一音采昔反友徐音跋畔末反劉房末反抆采昔反徐呼陌反拔畔末

反劉房末反或蒲入反豸直氏反

蝮氏下士一人徒二人

鄭司農云蝮讀為蜮蜮蝦蟇也月令曰蝮蝮鳴故曰掌去鼃鼃鼃鼃蝦蟇屬書或為掌去蝦蟇元為蝮今御所食蛙也字從蟲國聲也蝮乃短狐與蝮音古獲反注同劉音或又音國蜮劉音或一音古獲反蝦音遐蟇音麻蝮音樓鼃戶蝮反又解佳反鼃莫幸反蛙戶蝮反劉

解佳反沈和佳反與音餘下官與同

壺涿氏下士一人徒二人

壺謂瓦鼓涿擊之也故書涿為獨鄭司農云獨讀為濁其源之濁音與涿相近書亦或為獨涿陟角反又音濁近附近之近

庭氏下士一人徒二人

庭氏王射妖鳥令國中潔清如庭者也射食亦反清才性反又如字

銜枚氏下士二人徒八人

銜枚止言語囁謹也枚狀如箸橫銜之為之繯結於項囁五高反一音許驕反下同謹音歡箸直慮反繯戶卦反又胡麥反

伊耆氏下士一人徒二人

伊耆古王者號始為蜡以息老物此主王者之齒杖後王識伊耆氏之舊德而以名官與今姓有伊耆氏耆巨之反蜡仕詐反

大行人中大夫二人小行人下大夫四人司儀上士八人中士十有六人行夫下士卅有二人府四人史八人胥八人徒八十八人

行夫主國使之禮使所吏反

環人中士四人史四人胥四人徒四十人

環猶圍也主圍賓客任器為之守衛劉戶申反

象胥每翟上士一人中士二人下士八人徒廿八人

通夷狄之言者曰象胥其有才知者也此類之本名東方曰寄南方曰象西方曰狄鞮北方曰譯今總名曰象者周之德先致

南方也知音智鞮丁兮反譯音亦

掌客上士二人下士四人府一人史二人胥二人徒廿八人

掌訝中士八人府二人史四人胥四人徒四十人

訝迎也賓客來主迎之鄭司農云訝讀為跛者訝跛者之訝

可反

掌交中士八人府二人史四人徒卅有二人

主交通結諸侯之好好呼報反

掌察四方中士八人史四人徒十有六人

掌貨賄下士十有六人史四人徒卅有二人

朝大夫每國上士二人下士四人府一人史一人庶子八人徒廿八人

此王之士也使主都家之國治而命之朝大夫云治直吏反

都則中士一人下士二人府一人史二人庶子四人徒八十八人

都則主都家之八則者也當言每都如朝大夫及都司馬云

都士中士二人下士四人府二人史四人胥四人徒四十八人

亦如之

都家之士。主治都家吏民之獄訟。以告方士者也。亦當言每都。大司寇之職。掌建邦之三典。以佐王刑邦國。詰四方。

典。法也。詰。謹也。書曰。王旄荒。度作詳刑。以詰四方。詰。起吉反。旄。莫報反。度。待洛反。

一曰刑新國。用輕典。

新國者。新辟地立君之國。用輕法者。為其民未習於教。偽子。

二曰刑平國。用中典。

平國。承平守成之國也。用中典者。常行之法。

三曰刑亂國。用重典。

亂國。篡殺叛逆之國。用重典者。以其化惡。伐滅之。篡。初患反。殺音試。本亦作弑。

以五刑糾萬民。

刑亦灋也。糾猶察異之。

一曰野刑。上功糾力。

功。農功。力。勤力。

二曰軍刑。上命糾守。

命。將命也。守。不失部伍。守。劉音狩。注。同。將。子匠反。

三曰鄉刑。上德糾孝。

德。六德也。善父母為孝。

四曰官刑。上能糾職。

能。能其事也。職。職事脩理。

五曰國刑。上愿糾暴。

愿。慤慎也。暴。當為恭。字之誤也。愿音願。劉又音原。依注。暴作恭。慤音角反。

以圜土聚教罷民。

圜土。獄城也。聚罷民其中。困苦以教之為善也。民不愍作勞。有

似於罷。罷音皮。注下皆同。愍音敏。劉亡。覲反。尚書作啓。又作昏。皆訓強。

凡害人者寘之園土而施職事焉以明刑恥之

害人謂為邪惡已有過失麗於法者以其不故犯灋寘之園土

繫教之庶其困悔而能改也寘置也施職事以所能役使之明

刑書其罪惡於大方版著其背寘之或反又音示邪似嗟反下同著于略反一音直略反

其能改者反于中國不齒三年

反于中國謂舍之還於故鄉里也司園職曰上罪三年而舍中

罪二年而舍下罪一年而舍不齒者不得以年次列於平民

其不能改而出園土者殺

出謂逃亡

以兩造禁民訟入束矢於朝然後聽之

訟謂以財貨相告者造至也使訟者兩至既兩至使入束矢乃

治之也不至不入束矢則是自服不直者也必入矢者取其直

也詩曰其直如矢古者一弓百矢束矢其百个與造七報反注謂人介古賀反與音餘

以兩劑禁民獄入鈞金三日乃致于朝然後聽之

獄謂相告以罪名者劑今券書也使獄者各齎券書既兩齎書

使入鈞金又三日乃治之重刑也不券書不入金則是亦自服

不直者也必入金者取其堅也三十斤曰鈞齊子隨反

以嘉石平罷民

嘉石文石也對之外朝門左平成也成之使善文如字劉音問對音樹

凡萬民之有罪過而未麗於灋而害於州里者桎梏而坐諸嘉石

役諸司空重罪旬有三日坐替役其次九日坐九月役其次七日

坐七月役其次五日坐五月役其下罪三日坐三月役使州里任

之則宥而舍之

有罪過謂邪惡之人所罪過者也麗附也未附於灋未著於灋

也。木在足曰桎。在手曰梏。役諸司空。坐日訖。使給百工之役也。
役月訖。使其州里之人任之。乃赦之。宥寬也。桎音質。梏古毒反。著直
路反。下附猶著皆同。
以肺石達窮民。

肺石。赤石也。窮民。天民之窮而無告者。肺考
廢反。
凡遠近惇獨老幼之欲有復於上而其長弗達者。立於肺石三日。
士聽其辭。以告於上。而罪其長。

無兄弟曰惇。無子孫曰獨。復。猶報也。上。謂王與六卿也。報之者。
若上書詣公府言事矣。長。謂諸侯若鄉遂大夫。惇其營反。長丁丈反。
下及注同上。時掌反。

正月之吉。始和布刑于邦國都鄙。乃縣刑象之灋于象魏。使萬民
觀刑象。挾日而斂之。

正月朔日。布五刑於天下。正歲又縣其書。重之。縣音懸。注及下
同。挾子協反。
凡邦之大盟約。涖其盟書。而登之于天府。

涖臨也。天府。祖廟之藏。約於妙反
藏才浪反。

夫史內史司會及六官皆受其貳而藏之。

六官。六卿之官也。貳。副也。會。古外反。下
司會皆同。

凡諸侯之獄訟以邦典定之。

邦典。六典也。以六典待邦國之治。治直吏
反。下同。

凡卿大夫之獄訟以邦灋斷之。

邦灋。八灋也。以八灋待官府之治。斷丁亂反。
下注皆同。

凡庶民之獄訟以邦成弊之。

邦成。八成也。以官成待萬民之治。故書弊為愆。鄭司農云。愆當
為弊。邦成。謂若今時決事比也。弊之。斷其獄訟也。故春秋傳曰。
弊獄邢侯。弊必世反。斷也。後訓斷者皆同。愆
劉芳滅反。又音卑設反。比必利反。

大祭祀奉犬牲。

奉猶進也。

若禋祀五帝則戒之日。涖誓百官。戒于百族。

戒之日。卜之日也。百族。謂府史以下也。郊特牲曰。卜之日。王立于澤。親聽誓命。受教諫之義也。獻命庫門之內。戒百官也。太廟之內。戒百姓也。

及納亨。前王祭之日亦如之。

納亨。致牲。亨音庚反。劉音孟反。注同。下納亨。放此。

奉其明水火。

明水火。所取於日月者。

凡朝覲會同。前王大喪亦如之。

大喪。所前。或嗣王。

大軍旅。涖戮于社。

社。謂社主在軍者也。鄭司農說以書曰。用命賞于祖。不用命戮于社。

凡邦之大事。使其屬蹕。

屬。士師以下也。故書蹕作避。杜子春云。避當為辟。謂辟除姦人。

也。元謂蹕。止行也。蹕本亦作。趕音畢。

小司寇之職。掌外朝之政。以致萬民而詢焉。一曰詢國危。二曰詢國遷。三曰詢立君。

外朝。朝在雉門之外者也。國危。謂有兵寇之難。國遷。謂徙都改邑也。立君。謂無冢適。選於庶也。鄭司農云。致萬民。聚萬民也。詢。謀也。詩曰。詢于芻蕘。書曰。謀及庶人。難乃旦反。適丁歷反。蕘而招反。

其位。王南鄉。三公及州長。百姓北面。羣臣西面。羣吏東面。

羣臣。卿大夫士也。羣吏。府史也。其孤不見者。孤從羣臣。卿大夫。

在公後。鄉許亮反。長丁丈反。見賢遍反。

小司寇擯以敘進而問焉。以衆輔志而弊謀。

擯謂揖之使前也。敘更也。輔志者尊王賢明也。擯兵刃反。注同。更音庚。

以五刑聽萬民之獄訟。附于刑。用情訊之。至于旬。乃弊之。讀書則用灋。

附猶著也。故書附作付。訊言也。用情理言之。冀有可以出之者。

十日乃斷之。王制曰。刑者例也。例者成也。一成而不可變。故君

子盡心焉。鄭司農云。讀書則用灋。如今時讀鞫已。乃論之。訊音信。盡津忍。

反鞫九六反。

凡命夫命婦。不躬坐獄訟。

爲治獄吏。襲尊者也。躬身也。不身坐者。必使其屬若子弟也。喪

服傳曰。命夫者。其男子之爲大夫者。命婦者。其婦人之爲大夫

妻者。春秋傳曰。衛侯與元咺訟。甯武子爲輔。鍼嚴子爲坐。士榮

爲大理。爲治字。僞反。咺况阮反。鍼其廉反。嚴劉音莊。左傳作莊。案漢書明帝名莊。改爲嚴。

凡王之同族有罪。不卽市。

鄭司農云。刑諸甸師氏。禮記曰。刑于隱者。不與國人慮兄弟。

以五聲聽獄訟。求民情。一曰辭聽。

觀其出言。不直則煩。

二曰色聽。

觀其顏色。不直則赧然。赧女板反。

三曰氣聽。

觀其氣息。不直則喘。喘烏亮反。

四曰耳聽。

觀其聽聆。不直則惑。聆音零。

五曰目聽。

觀其眸子視不直則耗然。眸莫侯反。劉無不反。眸莫報反。本又作施同。

以八辟麗邦灋附刑罰。

辟灋也。杜子春讀麗為羅。元謂麗附也。易曰。日月麗乎天。故書附作付。猶著也。

一曰議親之辟。

鄭司農云。若今時宗室有罪。先請是也。

二曰議故之辟。

故謂舊知也。鄭司農云。故舊不遺。則民不偷。偷他侯反。徐吐豆反。

三曰議賢之辟。

鄭司農云。若今時廉吏有罪。先請是也。元謂賢有德行者。行下孟反。

四曰議能之辟。

能謂有道藝者。春秋傳曰。夫謀而鮮過。惠訓不倦者。叔向有焉。

社稷之固也。猶將十世宥之。以勸能者。今壹不免其身。以棄社

稷。不亦惑乎。夫音扶。鮮息淺反。向許亮反。

五曰議功之辟。

謂有大勲勞立功者。

六曰議貴之辟。

鄭司農云。若今時吏墨綬有罪。先請是也。

七曰議勤之辟。

謂憔悴以事國。憔悴遙反。秦醉反。

八曰議賓之辟。

謂所不臣者。三恪二代之後與。與音餘。

以三刺斷庶民獄訟之中。

中謂罪正所定

刺七賜反。斷丁亂反。後皆同。

一曰訊羣臣。二曰訊羣吏。三曰訊萬民。

刺殺也。三訊罪定。則殺之。訊言也。

聽民之所刺宥。以施上服下服之刑。

宥寬也。民言殺殺之。言寬寬之。上服。劓墨也。下服。宮刑也。

劓。魚器反。別音。

月又五刮反。

及大比。登民數。自生齒以上。登于天府。

大比。三年大數民之衆寡也。人生齒而體備。男八月而生齒。女

七月而生齒。

比。毗志反。注同上。時掌反。下注同。數所主反。

內史司會冢宰貳之。以制國用。

人數定而九賦可知。國用乃可制耳。

小祭祀。奉犬牲。

奉猶進也。

凡禋祀五帝。實鑊水。納亨亦如之。

納亨。致牲也。其時鑊水。當以洗解牲體肉。

鑊。戶郭反。

大賓客。前王而辟。

鄭司農云。小司寇為王道。辟除姦人也。若今時執金吾。下至令

尉。奉引矣。

辟。婢亦反。劉符益反。一音匹亦反。沈音避。注同。後而辟皆放此道音導。

后世子之喪。亦如之。小師。泣戮。

小師。主不自出之師。

凡國之大事。使其屬蹕。

屬。士師以下。

孟冬。祀司民。獻民數於王。王拜受之。以圖國用。而進退之。

司民。星名。謂軒轅角也。小司寇於祀司民。而獻民數於王。重民

也。進退猶損益也。國用民衆則益。民寡則損。

歲終則令羣士計獄弊訟登中于天府。

上其所斷獄訟之數。

正歲帥其屬而觀刑象。令以木鐸曰。不用灋者。國有常刑。令羣士

羣士遂士以下。

乃宣布于四方。憲刑禁。

宣。徧也。憲。表也。謂縣之也。刑禁。士師之五禁。徧音。

乃命其屬入會。乃致事。

得其屬之計。乃令致之於王。會。古外反。後要會之字皆放此。

士師之職。掌國之五禁之灋。以左右刑罰。一曰宮禁。二曰官禁。三

曰國禁。四曰野禁。五曰軍禁。皆以木鐸徇之于朝。書而縣于門閭。

左右。助也。助刑罰者。助其禁民為非也。宮。王宮也。官。官府也。國。

城中也。古之禁書亡矣。今宮門有符籍。官府有無故擅入城門。

有離載下帷。野有田律。軍有囂謹夜行之禁。其物可言者。灋音法。左音佐。

右音又。注左右助也。同。徇。似後反。縣音懸。摶。劉音粗。沈才古反。

以五戒先後刑罰。毋使罪麗于民。一曰誓。用之于軍旅。二曰誥。用

之于會同。三曰禁。用諸田役。四曰糾。用諸國中。五曰憲。用諸都鄙。

先後。猶左右也。誓。誥。於書則甘誓大誥康誥之屬。禁。則軍禮曰。

無干車無自後射。此其類也。糾。憲。未有聞焉。誥。古報反。射。食亦反。

掌鄉合州黨族閭比之聯。與其民人之什伍。使之相安相受。以比

追胥之事。以施刑罰慶賞。

鄉合。鄉所合也。追。追寇也。胥。讀如宿。胥之。胥。謂司搏盜賊也。

比。毗志反。下同。追。如字。劉張類反。胥。如字。劉思敘反。注。胥。同。搏。音博。劉音付。

掌官中之政令。

大司寇之官府中也。

察獄訟之辭。以詔司寇斷獄弊訟。致邦令。

詔司寇。若今白聽正灋解也。致邦令者。以灋報之。

掌士之八成。

鄭司農云。八成者。行事有八篇。若今時決事比。比必利反。

一曰邦汙。

鄭司農云。汙。讀如酌酒尊中之酌。國汙者。斟酌盜取國家密事。

若今時刺探尙書事。汙。上灼反。注同。斟之林反。酌音灼。刺七亦反。又七賜反。

二曰邦賊。

為逆亂者。

三曰邦諜。

為異國反間。諜音牒。間。開廁之閒。

四曰犯邦令。

干冒王教令者。冒音墨。

五曰撝邦令。

稱詐以有為者。撝音矯。

六曰為邦盜。

竊取國之寶藏者。藏才浪反。

七曰為邦朋。

朋黨相阿。使政不平者。故書朋作備。鄭司農云。備讀如朋友之

朋。備劉音崩。徐音朋。又補鄧反。

八曰為邦誣。

誣罔君臣。使事失實。

若邦凶荒。則以荒辯之。灋治之。

鄭司農云。辯讀為風別之別。救荒之政十有二。而士師別受其教條。是為荒別之灋。元謂辯當為貶。聲之誤也。遭飢荒。則刑罰國事有所貶損。作權時灋也。朝士職曰。若邦凶荒。札喪寇戎之故。則令邦國都家縣鄙。慮刑貶。辯依注音。風別之別。皆彼列反。下傳別及注同。數所主反。

令移民通財。糾守緩刑。

移民。就賤救困也。通財。補不足也。糾守。備盜賊也。緩刑。紓民心也。紓音舒。本亦作舒。

凡以財獄訟者。正之以傅別約劑。

傅別。中別手書也。約劑。各所持券也。故書別為辯。鄭司農云。傅或為符。辯讀為風別之別。若今時市買。為券書以別之。各得其一。訟則案券以正之。傅音附。注同。約於妙反。又如字。

若祭勝國之社稷。則為之尸。

以刑官為尸。略之也。周謂亡殷之社為亳社。亳步各反。

王燕出入。則前驅而辟。

道王。且辟行人。道音導。下三公道盜賊道同。

祀五帝。則沃尸。及王盥。洎鑊水。

洎。謂增其沃汁。洎其器反。或音冀。

凡刳珥。則奉犬牲。

珥。讀為衄。刳。衄。釁禮之事。用牲。毛者曰刳。羽者曰衄。刳音機。劉音奇。珥而志反。注衄同。

諸侯為賓。則帥其屬而蹕于王宮。

謂諸侯來朝。若燕饗時。

大喪亦如之。大帥帥其屬而禁逆軍旅者。與犯師禁者而戮之。

逆軍旅。反將命也。犯師禁。干行陳也。將子匠反。行。尸剛反。陳。直力反。

歲終則令正要會。

定計簿。簿步右反。

正歲帥其屬而憲禁令于國及郊野。

去國百里為郊。郊外謂之野。

鄉士掌國中。

鄭司農云。謂國中至百里郊也。元謂其地則距王城百里內也。言掌國中。此王國中獄也。六鄉之獄在國中。

各掌其鄉之民數而糾戒之。

鄉士八人。言各者。四人而分主三鄉。

聽其獄訟。察其辭。

察。審也。

辯其獄訟。異其死刑之罪而要之。旬而職聽于朝。

辯異。謂殊其文書也。要之。為其罪瀆之要辭。如今劾矣。十日乃

以職事治之於外朝。容其自反覆。劫戶代反覆。芳服反。方士職注同。

司寇聽之。斷其獄。弊其訟于朝。羣士司刑。皆在。各麗其瀆。以議獄

訟。

麗。附也。各附致其瀆。以成議也。

獄訟成。士師受中。汙日刑殺。肆之三日。

受中。謂受獄訟之成也。鄭司農云。士師受中。若今二千石受其獄也。中者。刑罰之中也。故論語曰。刑罰不中。則民無所措手足。

協日刑殺。汙。合也。和也。和合支幹善日。若今時望後利日也。肆

之三日。故春秋傳曰。三日棄疾請尸。論語曰。肆諸市朝。元謂士

師既受獄訟之成。鄉士則擇可刑殺之日。至其時而往涖之。尸

之三日。乃反也。汙音協。本亦作協。下同。不中。丁仲反。措。七故反。

若欲免之則王會其期

免猶赦也。期謂鄉士職聽于朝。司寇聽之日。王欲赦之。則用此時親往議之。

大祭祀大喪紀大軍旅大賓客則各掌其鄉之禁令帥其屬夾道而蹕

屬中士以下。夾古洽反。劉古協反。

三公若有邦事則為之前驅而辟其喪亦如之

鄭司農云。鄉士為三公道也。若今時三公出城。郡督郵盜賊道

也。則為子偽反。遂士。縣士訝士職同。

凡國有大事則戮其犯命者

遂士掌四郊

鄭司農云。謂百里外至三百里也。元謂其地則距王城百里以

外至三百里。言掌四郊者。此主四郊獄也。六遂之獄在四郊。

各掌其遂之民數而糾其戒令

遂士十二人。言各者二人而分主一遂。

聽其獄訟察其辭辨其獄訟異其死刑之罪而要之。二旬而職聽

于朝。司寇聽之。斷其獄。弊其訟于朝。羣士司刑皆在。各麗其灋以

議獄訟。獄訟成。士師受中。計日就郊而刑殺。各於其遂。肆之三日。

就郊而刑殺者。遂士也。遂士擇刑殺日。至其時往涖之。如鄉士

為之矣。言各於其遂者。四郊六遂。遂處不同。日理三百里以

若欲免之則王令三公會其期

令猶命也。王欲赦之。則用遂士職聽之時。命三公往議之。

若邦有大事聚眾庶則各掌其遂之禁令帥其屬而蹕

大事王所親也。

六卿若有邦事則為之前驅而辟其喪亦如之凡郊有大事則戮其犯命者

縣士掌野

鄭司農云掌三百里至四百里大夫所食晉韓須為公族大夫食縣元謂地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄焉言掌野者郊外曰野大總言之也獄居近野之縣獄在二百里上縣之縣獄在三百里上都之縣獄在四百里上各掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽于朝司寇聽之斷其獄弊其訟于朝羣士司刑皆在各麗其灋以議獄訟獄訟成士師受中計日刑

殺各就其縣肆之三日

刑殺各就其縣者亦謂縣士

若欲免之則王命六卿會其期

期亦謂縣士職聽之時

若邦有大役聚眾庶則各掌其縣之禁令若大夫有邦事則為之前驅而辟其喪亦如之凡野有大事則戮其犯命者

野距王城二百里以外及縣都

方士掌都家

鄭司農云掌四百里至五百里公所食魯季氏食於都元謂都

王子弟及公卿之采地大夫之采地大都在置地小都在縣

地家邑在稍地不言掌其民數民不純屬王置居良反

聽其獄訟之辭辨其死刑之罪而要之三月而上獄訟于國

四方有亂獄則往而成之。

亂獄謂若君臣宣淫上下相虐者也往而成之猶呂步舒使治

淮南獄。

邦有賓客則與行人送逆之入於國則為之前驅而辟野亦如之居館則帥其屬而為之蹕誅戮暴客者客出入則道之有治則贊之。

送逆謂始來及去也出入謂朝覲於王時也春秋傳曰晉侯受策以出出入三覲入國入野自以時事。

道音導。

凡邦之大事聚眾庶則讀其誓禁。

朝士掌建邦外朝之灋左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長眾庶在其後左嘉石平罷民焉右肺石達窮民焉。

樹棘以為位者取其赤心而外刺象以赤心三刺也槐之言懷也懷來人於此欲與之謀羣吏謂府史也州長鄉遂之官鄭司

農云王有五門外曰臯門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右九棘故易曰係用徽纆示于叢棘元謂明堂位說魯公宮曰庫

門天子臯門雉門天子應門言魯用天子之禮所名曰庫門者如天子臯門所名曰雉門者如天子應門此名制二兼四則魯無臯門應門矣檀弓曰魯莊公之喪既葬而經不入庫門言其

除喪而反由外來是庫門在雉門外必矣如是王五門雉門為中門雉門設兩觀與今之宮門同閤人幾出入者窮民蓋不得入也郊特牲譏釋於庫門內言遠當於廟門廟在庫門之內見

於此矣小宗伯職曰建國之神位右社稷左宗廟然則外朝在

庫門之外。臯門之內。與。今司徒府有天子以下大會殿亦古之外朝哉。周天子諸侯皆有三朝。外朝一。內朝二。內朝之在路門內者。或謂之燕朝。長丁丈反。注同。罷音皮。司園職同。刺七賜反。下同。纒亡北反。示于之鼓反。又如字。本或作真。叢才公反。觀古亂反。闡音昏。釋音亦。徐音久。見賢遍反。與音餘。下國服與同。

帥其屬而以鞭呼趨且辟。

趨朝辟行人。執鞭以威之。趨本又作趨。同。須反。劉音清欲反。

禁慢朝錯立族談者。

慢朝。謂臨朝不肅敬也。錯立族談。違其位。傳語也。傳徐子損反。劉才官反。李一音纂。

凡得獲貨賄人民六畜者。委于朝。告于士。旬而舉之。大者公之。小者庶民私之。

俘而取之曰獲。委於朝十日。待來識之者。人民謂刑人。奴隸逃亡者。司隸職曰。帥其民而搏盜賊。鄭司農云。若今時得遺物及

放失六畜。持詣鄉亭縣廷。大者公之。大物没人公家也。小者私

之。小物自畀也。元謂人民之小者。未齷七歲以下。俘音孚。搏音搏。又音付。朱音逸。又如

字異。必二反。齷。初謹反。又救謹反。劉測答反。沈創允反。毀齒也。

凡士之治有期。日國中一旬。郊二旬。野三旬。都三月。邦國。其期內之治聽。期外不聽。

鄭司農云。謂在期內者聽。期外者不聽。若今時徒論決滿三月

不得乞鞫。治直吏反。下之治以治。及司民職王治。并注同期。居其反鞫。九六反。劉已自反。

凡有責者。有判書以治則聽。

判。半分而合者。故書判為辨。鄭司農云。謂若今時辭訟有券書

者。為治之辨。讀為別。謂別券也。元謂古者出責之息。亦如國服

與。為與偽反。下為治為。民同。別彼列反。下同。

凡民同貨財者。令以國彙行之。犯令者刑罰之。

鄭司農云。同貨財者。謂合錢共賈者也。以國瀆行之。司市為節。以遺之。元謂同貨財者。富人蓄積者多時。收斂之。乏時。以國服之。瀆出之。雖有騰躍其贏。不得過此。以利出者與取者過此。則罰之。若今時加責取息坐臧。共如字。賈音古畜勅六反。積字賜反。又如字。出尺遂反。劉勅頓反。又如字。坐才卧反。凡屬責者。以其地傅而聽其辭。

鄭司農云。謂訟地畔界者。田地町畔相比屬。故謂之屬責。以地傅而聽其辭。以其比畔為證也。元謂屬責。轉責使人歸之。而本主死亡。歸受之數。相抵冒者也。以其地之人相比近。能為證者。來。乃受其辭為治之。屬如字。或音燭。注同。傅音付。注同。町徒頂反。又他頂反。比毗志反。下及下文大比同。抵丁禮反。凡盜賊軍。鄉邑及家人殺之無罪。

鄭司農云。謂盜賊羣輩若軍。共攻盜鄉邑及家人者。殺之無罪。若今時無故入人室。宅。廬舍。上人車船。牽引人。欲犯瀆者。其時

格殺之無罪。上時掌反。下文以上並注同。

凡報仇讎者。書於士。殺之無罪。

謂同國不相辟者。將報之。必先言之於士。辟音避。

若邦凶荒。札喪寇戎之故。則令邦國都家縣鄙。慮刑貶。

故書慮為憲。貶為窆。杜子春云。窆當為禁。憲謂幡書以明之。元

謂慮謀也。貶猶減也。謂當圖謀緩刑。且減國用為民困也。所貶

視時為多少之瀆。瀆。空彼。驗反。

司民掌登萬民之數。自生齒以上。皆書於版。辨其國中。與其都鄙

及其郊野。異其男女。歲登下其死生。

登上也。男八月。女七月。而生齒。版。今戶籍也。下猶去也。每歲更

著生去死。去。起呂反。下同。著。子略反。

及三年大比。以萬民之數。詔司寇。司寇及孟冬。祀司民之日。獻其

數于王。王拜受之。登于天府。內史司會冢宰貳之以贊王治。

鄭司農云文昌宮三能屬軒轅角相與為體近文昌為司命次

司中次司祿次司民元謂司民軒轅角也天府主祖廟之藏者

贊佐也三官以貳佐王治者當以民多少黜陟主民之吏

近之

司刑掌五刑之灋以麗萬民之罪。墨罪五百。劓罪五百。宮罪五百。剕罪五百。殺罪五百。

墨黥也。先刻其面以墨室之劓截其鼻也。今東西夷或以墨劓

為俗。古刑人亡逃者之世類與。宮者丈夫則割其勢女子閉於

宮中若今宦男女也。劓斷足也。周改臠作劓殺死刑也。書傳曰

決關梁踰城郭而略盜者其刑臠。男女不以義交者其刑宮。觸

易君命革與服制度姦軌盜攘傷人者其刑劓。非事而事之也。

入不以道義而誦不詳之辭者其刑墨。降畔寇賊劫略奪攘擄

虔者其刑死。此二千五百罪之目略也。其刑書則亡夏刑大辟

二百。臠辟三百。宮辟五百。劓墨各千。周則變焉。所謂刑罰世輕

世重者也。鄭司農云漢孝文帝十三年除肉刑。劓魚器反李魚界反又

反李五骨反黥其京反室本又作涅同乃結反徐丁吉反又丁結反與音餘

若司寇斷獄弊訟則以五刑之灋詔刑罰而以辨罪之輕重。

詔刑罰者處其所應不如今律家所署灋矣

司刺掌三刺三宥三赦之灋以贊司寇聽獄訟。

刺殺也。訊而有罪則殺之。宥寬也。赦舍也。

壹刺曰訊羣臣。再刺曰訊羣吏。三刺曰訊萬民。

訊言。

壹宥曰不識。再宥曰過失。三宥曰遺忘。

鄭司農云。不識謂愚民無所識。則宥之。過失。若今律過失殺人。不坐死。元謂識審也。不審若今仇讐當報甲。見乙。誠以為甲而殺之者。過失。若舉刃欲砍伐。而軼中人者。遺忘。若問帷薄。忘有在焉。而以兵矢投射之。忘音安。注同坐。才臥反。下同。軼待結反。中。丁仲反。間。簡廁之間射。食亦反。

壹赦曰幼弱。再赦曰老耄。三赦曰蠢愚。

蠢愚。生而癡騃。童昏者。鄭司農云。幼弱老耄。若今時律令。年未滿八歲。八十以上。非手殺人。他皆不坐。耄。本又作旄。同亡報反。蠢。勅江反。又貞巷反。劉癡用反。騃。五駭反。李

又五亥反。又吐在反。上時掌反。

以此三瀆者。求民情。斷民中。而施上服下服之罪。然後刑殺。

上服。殺與墨劓。下服。宮刑也。司約職曰。其不信者。服墨刑。凡行刑。必先規識所行之處。乃後行之。

司約掌邦國及萬民之約劑。治神之約為上。治民之約次之。治地

之約次之。治功之約次之。治器之約次之。治摯之約次之。

此六約者。諸侯以下。至於民。皆有焉。劑。謂券書也。治者。理其相抵冒。上下之差也。神約。謂命祀。郊社。羣望。及所祖宗也。夔子不祀。祝融。楚人伐之。民約。謂征稅遷移。仇讐既和。若懷宗九姓。在晉。殷民六族。七族。在魯。衛。皆是也。地約。謂經界所至。田萊之比也。功約。謂王功。國功。之屬。賞爵所及也。器約。謂禮樂。吉凶。車服。所得用也。摯約。謂玉帛。禽鳥。相與往來也。約。於妙反。後及注。皆同。夔。求龜反。比。毗志反。又必二反。

凡大約劑。書於宗彝。小約劑。書於丹圖。

大約劑。邦國約也。書於宗廟之六彝。欲神監焉。小約劑。萬民約也。丹圖。未聞。或有彫器。簠。簋。之屬。有圖象者。與春秋傳曰。斐豹。隸也。著於丹書。今俗語有鐵券丹書。豈此舊典之遺言。與音餘。斐。音非。徐方

眉反。劉方持反。沈芳尾反。

若有訟者則珥而辟藏其不信者服墨刑

鄭司農云謂有爭訟罪罰刑書繆誤不正者為之開藏取本刑

書以正之當開時先祭之元謂訟訟約若宋仲幾薛宰者也辟

藏開府視約書不信不如約也珥讀曰衄謂殺鷄取血鬻其戶

藏才浪反注下
皆同為于偽反

若大亂則六官辟藏其不信者殺

大亂謂僭約若吳楚之君晉文公請隧以葬者六官辟藏明罪

大也六官初受盟約之貳

司盟掌盟載之灋

載盟辭也盟者書其辭於策殺牲取血坎其牲加書於上而埋

之謂之載書春秋傳曰宋寺人惠牆伊戾坎用牲加書為世子

遂與楚密盟

凡邦國有疑會同則掌其盟約之載及其禮義北面詔明神既盟則貳之

有疑不協也明神神之明察者謂日月山川也覲禮加方明于

壇上所以依之也詔之者讀其載書以告之也貳之者寫副當

以授六官

盟萬民之犯命者詛其不信者亦如之

盟詛者欲相與共惡之也犯命犯君教令也不信違約者也春

秋傳曰臧紇犯門斬關以出乃盟臧氏又曰鄭伯使卒出玃行

出犬鷄以詛射穎考叔者

凡民之有約劑者其貳在司盟

貳之者檢其自相違約

有獄訟者則使之盟詛

不信則不敢聽。此盟詛所以省獄訟。省所景反。

凡盟詛各以其地域之衆庶共其牲而致焉。既盟則為司盟共祈酒脯。

使其邑閭出牲而來盟。既又使出酒脯。司盟為之祈明神。使不信者必凶。為于偽反。注同。

職金。掌凡金玉錫石丹青之戒令。

青。空青也。

受其入征者。辨其物之媿惡。與其數量。楬而璽之。入其金錫于為兵器之府。入其玉石丹青于守藏之府。

為兵器者。攻金之工六也。守藏者。玉府內府也。鄭司農云。受其入征者。謂主受采金玉錫石丹青者之租稅也。楬而璽之者。楬書其數量。以著其物也。璽者。印也。既楬書掄其數量。又以兩封

之。今時之書有所表識。謂之楬。璽。楬音竭。璽音徒守。劉音狩。著直略反。沈張慮反。掄音戔。識申志反。又如字。又音志。入其要。

要。凡數也。入之於大府。

掌受土之金罰貨罰。入于司兵。

給治兵及工直也。貨。泉貝也。罰。罰贖也。書曰。金作贖刑。贖常成反。下同。一音蜀。

旅于上帝。則共其金版。饗諸侯。亦如之。

餅。金謂之版。此版所施未聞。版音板。餅必領反。

凡國有大故而用金石。則掌其令。

主其取之令也。用金石者。作槍雷椎楛之屬。槍七羊反。雷劉音誅。沈云當為礪。即對反。椎直追反。

楛。宅耕反。本又作楛。劉云皆如字。劉亦誤。

司厲。掌盜賊之任器貨賄。辨其物。皆有數量。賈而楬之。入于司兵。

鄭司農云。任器貨賄。謂盜賊所用傷人兵器及所盜財物也。入于司兵。若今時傷殺人所用兵器盜賊贓。加責沒入縣官。賈音嫁。其奴男子入于罪隸。女子入于春臺。

鄭司農云。謂坐為盜賊而為奴者。輸於罪隸。春人。豪人之官也。由是觀之。今之為奴婢。古之罪人也。故書曰。予則奴戮女。論語曰。箕子為之奴。罪隸之奴也。故春秋傳曰。斐豹隸也。著於丹書。請焚丹書。我殺督戎。恥為奴。欲焚其籍也。元謂奴。從坐而沒入縣官者。男女同名。豪古老反。坐才卧反。下同。女音汝。

凡有爵者。與七十者。與未齒者。皆不為奴。

有爵。謂命士以上也。齒。毀齒也。男八歲。女七歲。而毀齒。上時掌反。毀况偽反。

下同。

犬人掌犬牲。凡祭祀共犬牲。用牲物。伏瘞亦如之。

鄭司農云。牲。純也。物。色也。伏。謂伏犬。以王車轢之。瘞。謂埋祭也。

爾雅曰。祭地曰瘞埋。牲音全。本亦作全。瘞於例反。徐烏計反。轢音歷。

凡幾珥沈辜。用駮可也。

故書駮作龍。鄭司農云。幾讀為祓。爾雅曰。祭山曰瘞。縣。祭川曰浮。沈。大宗伯職曰。以埋沈祭山川林澤。以鬻辜祭四方百物。龍讀為駮。謂不純色也。元謂幾讀為刳。珥當為珥。刳珥者。釁禮之

事。駮亡江反。枝九委反。劉居綺反。縣音懸。鬻劉字通反。

凡相犬牽犬者。屬焉。掌其政治。

相。謂視擇。知其善惡。相息亮反。注同。治直吏反。

司圜掌收教罷民。凡害人者。弗使冠飾。而加明刑焉。任之以事。而收教之。能改者。上罪三年而舍。中罪二年而舍。下罪一年而舍。其不能改。而出圜土者。殺。雖出。三年不齒。

弗使冠飾者著墨幪若古之象刑與舍釋之也鄭司農云罷民謂惡人不從化為百姓所患苦而未入五刑者也故曰凡害人者不使冠飾任之以事若今時罰作矣著于略反幪莫公反劉莫貞反與音餘

凡園土之刑人也不虧體其罰人也不虧財

言其刑人但加以明刑罰人但任之以事耳鄭司農云以此知其為民所苦而未入刑者也故大司寇職曰見萬民之有罪過而未麗於灋而害於州里者桎梏而坐諸嘉石役諸司空又曰以嘉石平罷民國語曰罷士無伍罷女無家言為惡無所容入也元謂園土所收教者過失害人已麗於灋者

掌囚掌守盜賊凡囚者上罪桎梏而桎中罪桎梏下罪桎王之同族桎有爵者桎以待弊罪

凡囚者謂非盜賊自以他罪拘者也鄭司農云桎者兩手共一

木也桎梏者兩手各一木也元謂在手曰桎在足曰梏中罪不

桎手足各一木耳下罪又去桎王同族及命士以上雖有上罪

或桎或梏而已弊猶斷也

桎古毒反張揖云參著曰桎偏著曰梏說文云桎手械也所以告天梏足械也所以質地桎劉云三家姜奉反

一家居辱反漢書音義韋昭音拱云兩手共一木曰桎兩手各一木曰梏李奇音恐桎之實反上時掌反

及刑殺告刑于王奉而適朝士加明桎以適市而刑殺之

告刑於王告王以今日當行刑及所刑姓名也其死罪則曰某

之罪在大辟其刑罪則曰某之罪在小辟奉而適朝者重刑為

王欲有所赦且當以付士士鄉士也鄉士加明桎者謂書其姓

名及其罪於桎而著之也囚時雖有無桎者至於刑殺皆設之

以適市就眾也庶姓無爵者皆刑殺於市

為于偽反著丁略反徐張慮反

凡有爵者與王之同族奉而適甸師氏以待刑殺

適甸師氏亦由朝乃往也待刑殺者掌戮將自市來也文王世

子曰。雖親不以犯有司。正術也。所以體異姓也。刑于隱者。不與國人慮兄弟也。

掌戮。掌斬殺賊謀而搏之。

斬以鈇鉞。若今要斬也。殺以刀刃。若今棄市也。謀。謂姦寇反閒者。賊與謀。罪大者斬之。小者殺之。搏。當為膊。諸城上之膊。字之誤也。膊。謂去衣磔之。謀音牒。搏注作膊。同音。搏反。磔也。銖音斧。要。一遙反。閒。聞。則之。聞。去起。呂反。

凡殺其親者。焚之。殺王之親者。辜之。

親。總服以內也。焚。燒也。易曰。焚如。死如棄。如。辜之言。枯也。謂磔之。

凡殺人者。踣諸市。肆之三日。刑盜于市。

踣。僵尸也。肆。猶申也。陳也。凡言刑盜。罪惡莫大焉。踣。皮北反。僵。居良反。

凡罪之麗於灋者。亦如之。唯王之同族。與有爵者。殺之于甸師氏。

罪一千五百條。上附下附。刑五而已。於刑同科者。其刑殺之一也。

凡軍旅田役。斬殺刑戮。亦如之。

戮。謂膊焚辜肆。

墨者使守門。

黥者無妨於禁御。御音禦。

劓者使守關。

截鼻亦無妨。以貌醜遠之。遠于万反。

宮者使守內。

以其人道絕也。今世或然。

別者使守囿。

斷足驅衛禽獸。無急行。音又斷。丁管反。

髡者使守積。

鄭司農云。髡當作完。謂但居作三年。不虧體者也。元謂此出五刑之中而髡者。必王之同族不宮者。宮之為翦其類。髡頭而已。守積積在隱者宜也。髡音門反。積子賜反。注同。

司隸掌五隸之灋。辨其物而掌其政令。

五隸。謂罪隸四翟之隸也。物。衣服兵器之屬。

帥其民而搏盜賊。役國中之辱事。為百官積任器。凡囚執人之事。

民。五隸之民也。鄭司農云。百官所當任持之器物。此官主為積

聚之也。元謂任猶用也。搏音博。為子偽反。注及下注同。

邦有祭祀賓客喪紀之事。則役其煩辱之事。

煩。猶劇也。士喪禮下篇曰。隸人溼廁。溼。乃結反。

掌帥四翟之隸。使之皆服其邦之服。執其邦之兵。守王宮與野舍

之厲禁。

野舍。王行所止舍也。厲。遮例也。遮。章奢反。例本又作列。同音烈。

罪隸掌役百官府。與凡有守者。掌使令之小事。

役。給其小役。使。如字。劉色吏反。令。力呈反。沈力政反。

凡封國若家。牛助為牽。榜。

鄭司農云。凡封國若家。謂建諸侯立大夫家也。牛助為牽。榜。此官主為送致之也。元謂牛助。國以牛助轉徙也。罪隸牽。榜之。在

前曰牽。在旁曰榜。榜。步浪反。注同。轉。如字。劉張戀反。

其守王宮與其厲禁者。如蠻隸之事。

蠻隸。掌役校人養馬。其在王宮者。執其國之兵。以守王宮。在野外。

則守厲禁。校。戶。校反。

閩隸。掌役畜養鳥。而阜蕃教擾之。掌子則取隸焉。

杜子春云。子當為祀。元謂掌子者。王立世子。置臣使掌其家事。而以閩隸役之。蕃扶元反。下注同。

夷隸掌役牧人。養牛馬與鳥言。

鄭司農云。夷狄之人。或曉鳥獸之言。故春秋傳曰。介葛盧聞牛鳴。曰是生三犧。皆用矣。是以貉隸職掌與獸言。

其守王宮者。與其守厲禁者。如蠻隸之事。

貉隸掌役服不氏而養獸。而教擾之。掌與獸言。

不言阜蕃者。猛獸不可服。又不生乳於圜檻也。生如字。劉色敬反。乳而樹反。圜求阮反。檻戶覽反。

其守王宮者。與其守厲禁者。如蠻隸之事。

布憲。掌憲邦之刑禁。正月之吉。執旌節以宣布于四方。而憲邦之刑禁。以詰四方邦國。及其都鄙。達于四海。

憲。表也。謂縣之也。刑禁者。國之五禁。所以左右刑罰者。司寇正

月布刑于天下。正歲又縣其書于象魏。布憲于司寇。布刑。則以

旌節出宣令之。於司寇。縣書。則亦縣之于門閭。及都鄙邦國。刑

者。王政所重。故屢丁寧焉。詰。謹也。使四方謹行之。爾雅曰。九夷

八蠻。六戎五狄。謂之四海。詰起古反。謹也。縣音懸。下同。

凡邦之大事。合衆庶。則以刑禁號令。

禁殺戮。掌司斬殺戮者。凡傷人見血。而不以告者。攘獄者。遏訟者。以告而誅之。

司。猶察也。察此四者。告於司寇。罪之也。斬殺戮。謂吏民相斬相

殺相戮者。傷人見血。見血乃為傷人耳。鄭司農云。攘獄者。距當

獄者也。遏訟者。遏止欲訟者也。元謂攘。猶卻也。卻獄者。言不受也。

禁暴氏。掌禁庶民之亂暴力正者。擣誣犯禁者。作言語而不信者。以告而誅之。

民之好為侵陵稱詐謾誕。此三者亦刑所禁也。力正。以力强得正也。擣居表反。好呼報反。為于偽反。下則為注皆為同謾武諫反。一音亡半反。又免仙反。徐望山反。本或作慢。誕音但。

凡國聚眾庶。則戮其犯禁者以徇。凡奚隸聚而出入者。則司牧之。戮其犯禁者。

奚隸。女奴男奴也。其聚出入有所使。

野廬氏。掌達國道路。至于四畿。

達。謂巡行通之。使不陷絕也。去王城五百里曰畿。行下孟反。

比國郊及野之道路。宿息井樹。

比。猶較也。宿息。廬之屬。賓客所宿及晝止者也。井。共飲食。樹。為蕃蔽。

若有賓客。則令守涂地之人聚橐之。有相翔者誅之。

守涂地之人。道所出廬宿旁民也。相翔。猶昌翔。觀伺者也。鄭司農云。聚橐之。聚擊橐以宿衛之也。有姦人相翔於賓客之側。則誅之。不得令寇盜賓客。橐音託。令力呈反。下欲令同。

凡道路之舟車擊互者。敘而行之。

舟車擊互。謂於迫隘處也。車有轆轤。舟有砥柱之屬。其過之者。使以次敘之。擊音計。沈古的反。隘烏賣反。環戶關反。本亦作輓。同。砥。徐之爾反。劉都禮反。砥音旨。

凡有節者。及有爵者。至則為之辟。

辟。辟行人。亦使守涂地者。

禁野之橫行徑踰者。

皆為防姦也。橫行。妄由田中。徑踰。射邪趨疾。越隄渠也。射食亦反。邪似嗟反。

隄。守兮反。

凡國之大事。比修除道路者。

比校治道者名。若今次金敘大功。

掌凡道禁。

禁。謂若今絕蒙布巾持兵杖之屬。
杖直亮反。

邦之大師。則令埽道路。且以幾禁行。作不時者。不物者。

不時。謂不夙則莫者也。不物。謂衣服操持。非比常人也。幾。禁之

者。備姦人內賊及反間。
莫音暮。操七曹反。開開廁之間。

蜡氏掌除飀。

曲禮。四足死者曰漬。故書。飀作脊。鄭司農云。脊讀為殯。謂死人

骨也。月令曰。掩骼埋胔。骨之尚有肉者也。及禽獸之骨皆是。
蜡音清。預反。飀似賜反。注。殯。皆同。殯。又作漬。音。亦反。李慈益反。骼。古百反。

凡國之大祭祀。令州里除不蠲。禁刑者。任人。及凶服者。以及郊野。

大師大賓客亦如之。

蠲。讀如吉圭。惟饘之圭。圭。潔也。刑者。黥劓之屬。任人。司圜所收

教罷民也。凶服。服衰經也。此所禁除者。皆為不欲見人所。穢惡

也。
蠲。古拉反。舊音圭。潔也。饘。昌志反。罷。音皮。衰。七雷反。為。于偽反。下為其陷為其就禽同。穢。行廢反。今本多作穢。惡。鳥路反。

若有死於道路者。則令埋而置榻焉。書其日月焉。縣其衣服。任器于有地之官。以待其人。

有地之官。主此地之吏也。其人。其家人也。鄭司農云。榻。欲令其

識取之。今時揭槩是也。有地之官。有郡界之吏。今時鄉亭是也。

榻音榻。縣音懸。

掌凡國之飀禁。

禁。謂孟春掩骼埋胔之屬。

雍氏掌溝瀆澮池之禁。凡害於國家者。春令為阱。獲溝瀆之利於

司豐秋官

蜡氏 雍氏 萍氏

三

福禮堂

民者。秋令塞阱杜獲。

溝瀆澮。田閒通水者也。池。謂陂障之水道也。害於國稼。謂水潦及禽獸也。阱。穿地為塹。所以禦禽獸。其或超踰則陷焉。世謂之陷阱。獲。柞鄂也。堅地阱淺。則設柞鄂於其中。秋而杜塞阱獲。收刈之時。為其陷害人也。書柴誓曰。斂乃獲。斂乃阱。時秋也。伯禽以出師征徐戎。澮。古外反。阱。在性反。塹也。獲。胡化反。陂。披宜反。障。之尚反。斬。七艷反。本斂。乃協反。又乃結反。徐。劉本作卸。音徐。

禁山之為苑。澤之沈者。

為其就禽獸魚鼈自然之居而害之。鄭司農云。不得擅為苑囿於山也。澤之沈者。謂毒魚及水蟲之屬。苑。於阮反。劉於願反。

萍氏掌國之水禁。

水禁。謂水中害人之處。及入水捕魚鼈不時。捕音步。

幾酒。

苛察沽買過多。及非時者。苛音何。又呼何反。沽音姑。又音故。買如字。一本作賣。

謹酒。

使民節用酒也。書酒誥曰。有政有事。無彝酒。

禁川游者。

備波洋卒至沈溺也。洋音翔。又音羊。卒。寸忽反。

司寤氏掌夜時。

夜時。謂有晚早。若今甲乙至戊。

以星分夜以詔夜士夜禁。

夜士。主行夜徼候者。如今都候之屬。行。下孟反。下行。夜同。徼。古弔反。

禦農行者。禁宵行者。夜遊者。

備其遭寇害。及謀非公事。禦亦禁也。謂遏止之。無刑灋也。晨先

明也。宵定昏也。書曰：宵中星虛。春秋傳曰：夜中星隕如雨。先悉薦反。隕于

司烜氏掌以夫遂取明火於日，以鑿取明水於月，以共祭祀之明。齋明燭共明水。

夫遂，陽遂也。鑿，鏡屬。取水者，世謂之方諸。取日之火，月之水，欲

得陰陽之潔氣也。明燭，以照饌陳。明水，以為元酒。鄭司農云：夫

發聲，明齋謂以明水滌滌粢盛黍稷。夫方符反，或云司農音符。齋音資，注作粢同。

凡邦之大事，共墳燭庭燎。

故書墳為蕢。鄭司農云：蕢，燭也。元謂墳大也。樹於門外曰

大燭。於門內曰庭燎。皆所以照眾為明。墳扶云反，燎力召反，蕢扶云反。李一音婦輩反。

中春以木鐸修火禁于國中。

為季春將出火也。火禁，謂用火之處。及備風燥。中音仲，為于偽反，下為葬皆為同燥。素早反，又

素報反。

軍旅修火禁，邦若屋誅，則為明竈焉。

鄭司農云：屋誅，謂夷三族。無親屬收葬者，故為葬之也。三夫為

屋，一家田為一夫。以此知三家也。元謂屋讀如其刑，剝之剝，剝

誅，謂所殺不於市，而以適甸師氏者也。明竈，若今揭頭，明書其

罪法也。司烜掌明竈，則罪人夜葬與。竈昌銳反，剝徐音屋，劉音掘，與音餘。

條狼氏掌執鞭以趨辟。王出入，則八人夾道。公則六人，侯伯則四

人，子男則二人。

趨辟，趨而辟行人。若今卒辟車之為也。孔子曰：富而可求，雖執

鞭之士，吾亦為之。言士之賤也。趨七須反，辟婢亦反，又音避。劉薄易反，徐扶亦反。注趨辟行人同卒。子忽反，下羨卒同辟車。

必亦反，又婢亦反。

凡誓執鞭以趨於前，且命之誓。僕右曰殺，誓馭曰車轅，誓大夫曰

敢不關鞭五百誓師曰三百誓邦之大史曰殺誓小史曰墨

前謂所誓眾之行前也。有司讀誓辭則大言其刑以警所誓也。

誓者謂出軍及將祭祀時也。出軍之誓誓左右及馭則書之甘

誓備矣。郊特牲說祭祀之誓曰卜之日王立于澤親聽誓命受

教諫之義也。車轅謂車裂也。師樂師也。大史小史主禮事者鄭

司農云誓大夫曰敢不關謂不關於君也。元謂大夫自受命以

出則其餘事莫不復請。轅戶串反一音環太音泰注同行戶

剛反警京領反復劉音暇請劉音情。

脩閭氏掌比國中宿互櫜者與其國粥而比其追胥者而賞罰之

國中城中也。粥養也。國所游養謂羨卒也。追逐寇也。胥讀為偁

故書互為巨。鄭司農云宿謂宿衛也。巨當為互謂行馬所以障

互禁止人也。櫜謂行夜擊櫜。比毗志反下同宿如字劉息就反粥音

育追如字劉張類反偁音胥又息呂反。

禁徑踰者與以兵革趨行者與馳騁於國中者

皆為其惑眾。

邦有故則令守其閭互唯執節者不幾

令者令其閭內之閭胥里宰之屬。

冥氏掌設弧張

弧張置罽之屬所以扃絹禽獸。冥音覓鞞昌谷反劉上凶反罽音淨扃古

炎反絹古犬反一音古縣反翼氏注同。

為阱獲以攻猛獸以靈鼓毆之

靈鼓六面鼓。毆之使驚趨阱獲。毆丘于

反後同。

若得其獸則獻其皮革齒須備

鄭司農云須直謂頤下須備謂搔也。搔音

爪。

庶氏掌除毒蠱以攻說禴之嘉艸攻之

毒蠱毒物而病害人者。賊律曰敢蠱人及教令者棄市。攻說祈

名祈其神求去之也。嘉艸藥物其狀未聞攻之謂燠之。鄭司農

脩閭氏 冥氏 庶氏 穴氏 翼氏

福禮堂

云禴除也。元謂此禴讀如潰癰之潰。

應章預反。蠱音古。禴劉音潰。戶內反。蚺音草。本亦作草。令力呈反。去起區反。燻

許云反。

凡毆蠱則令之比之。

使為之。又校次之。

穴氏掌攻蟄獸各以其物火之。

蟄獸。熊羆之屬。冬藏者也。將攻之。必先燒其所食之物於穴外。

以誘出之。乃可得之。

以時獻其珍異皮革。

翼氏掌攻猛鳥。各以其物為媒而掎之。

猛鳥。鷹隼之屬。置其所食之物於絹中。鳥來下則掎其脚。

隼。鳥也。允反。

以時獻其羽翮。

翮。戶革反。

柞氏掌攻草木及林麓。

林。人所養者。山足曰麓。

柞。側百反。麓音鹿。

夏日至令刊陽木而火之。冬日至今令剝陰木而水之。

刊剝。互言耳。皆謂斫去次地之皮。生山南為陽木。生山北為陰

木。火之水之。則使其肄不生。

刊。苦干反。去起呂反。肄以四反。

若欲其化也。則春秋變其水火。

化。猶生也。謂時以種穀也。變其水火者。乃所火則水之。所水則

火之。則其土和美。

凡攻木者。掌其政令。

除木有時。

薙氏掌殺草。春始生而萌之。夏日至而夷之。秋繩而芟之。冬日至而耜之。

故書。萌作薨。杜子春云。薨當爲萌。謂耕反其萌芽。書亦或爲萌。元謂萌之者。以茲其斫其生者。夷之。以鉤鎌迫地芟之也。若今取芟矣。含實曰繩。芟其繩。則實不成熟。耜之。以耜側凍土刻之。

繩音孕。以證反。注同。芟。所銜反。薨音萌。其音基。茲其鉏也。鎌音兼。芟音交。刻。初產反。劉則展反。

若欲其化也。則以水火變之。

謂以火燒其所芟萌之草。已而水之。則其土亦和美矣。月令季夏。燒薙行水。利以殺草。如以熱湯。是其一時著之。

掌凡殺草之政令。

若族氏掌覆天鳥之巢。

覆猶毀也。天鳥惡鳴之鳥。若鴟鵂。覆芳復反。注同。天音妖。後天鳥同。鴟。干嬌反。鵂音服。

以方書十日之號。十有二辰之號。十有二月之號。十有二歲之號。二十有八星之號。縣其巢上。則去之。

謂燔之。炮之。之炮。炮土之鼓。瓦鼓也。焚石投之。使驚去。炮。步交反。注。炮也同。

燔音或。燔音煩。

若欲殺其神。則以牲棗。午貫象齒而沈之。則其神死。淵爲陵。

神。謂水神龍罔象。故書棗爲梓。午爲五。杜子春云。梓當爲棗。棗

讀爲枯。枯。榆木名。書或爲樗。又云。五貫當爲午貫。棗劉音沽。杜讀爲

杜義則音姑。山榆也。梓音子。本或作樗。樗。救居反。

庭氏掌射國中之天鳥。若不見其鳥獸。則以救日之弓。與救月之矢。射之。

不見鳥獸。謂夜來鳴呼爲怪者。獸。狐狼之屬。鄭司農云。救日之弓。救月之矢。謂日月食所作弓矢。元謂日月之食。陰陽相勝之

變也。於日食則射大陰。月食則射大陽。與射食亦反。下注同。呼。喚故反。下文同。與音餘。

若神也。則以大陰之弓與枉矢射之。

神謂非禽獸之聲。若或叫于宋大廟。譁譁出出者。大陰之弓。救月之弓。枉矢。救日之矢。與不言救月之弓。與救日之矢者。互言之。救日用枉矢。則救月以恒矢。可知也。

銜枚氏掌司鼙。

察鼙。攘者。為其聒亂在朝者之言語。鼙。五羔反。下同。譁呼。九反。朝直遙反。下同。

令主祭祀者。

軍旅田役。令銜枚。

為其言語以相誤。

禁詬呼歎。鳴於國中者。行歌哭於國中之道者。

為其惑眾相感動。嗚吟也。嗚音吟。吟音今反。

方版也。日謂從甲至癸。辰謂從子至亥。月謂從娵至茶。歲謂從

攝提格至赤奮若。星謂從角至軫。天鳥見此五者而去。其詳未

聞。縣音懸。娵。徐劉竝子須反。茶。劉沈音餘。李音舒。又音徒。按爾雅。正月為娵。即離騷所云攝提。貞子孟。厥皆側留反。又子侯反。爾雅又云。十二月為涂。音徒。今注作娵。茶二字是假借。

耳。當依爾雅讀從攝提格至赤奮若。爾雅曰。太歲在寅曰攝提格。在丑曰赤奮若。

翦氏掌除蠹物。以攻。崇攻之。以莽草熏之。

蠹物。穿食人器物者。蠹魚亦是也。攻。崇。祈名。莽草。藥物殺蟲者。

以熏之。則死。故書蠹為瘞。杜子春云。瘞當為蠹。蠹。子故反。攻。如字。劉音貢。瘞音詠。莽。亡蕩反。又

莽草藥名。瘞。劉古毛反。本或作瘞。他各反。

凡庶蠱之事。

庶。除毒蠱者。蠱。蠹之類。或熏以莽草則去。庶。草預反。

赤友氏掌除牆屋。以蜃炭攻之。以灰洒毒之。

洒。灑也。除牆屋者。除蟲豸藏逃其中者。蜃。大蛤也。擣其炭以坩

之則走。淳之以灑之則死。故書。蜃為晨。鄭司農云。晨當為蜃。書亦或為蜃。蜃市軫反。酒色買反。劉霜寄反。豸直氏反。粉蒲悶反。淳之純反。

凡隙屋除其狸蟲。

狸。莫皆反。劉莫拜反。塵。章夜反。肌。居其反。求。本或作蛛。音求。劉音俱。

蝮氏掌去毒鼃。焚牡鞠以灰洒之則死。

牡鞠。鞠不華者。齊魯之間。謂鼃為蝮。鼃。耿鼃也。蝮與耿鼃。尤怒

鳴。為聒人耳。去之。去起呂反。注去之同。鼃。戶媯反。鼃。莫幸反。牡。莫口反。反。鞠。弓六反。為聒。字偽反。聒。古活反。銜枚氏放此。

以其煙被之。則凡水蟲無聲。

杜子春云。假令風從東方來。則於水東面為煙。令煙西行被之

水上。被皮義反。注同。令力呈反。注同。

壺涿氏掌除水蟲。以炮土之鼓。毆之以焚石投之。

水蟲。狐蜮之屬。故書。炮作泡。杜子春讀炮為苞。有苦葉之苞。元

伊耆氏掌國之大祭祀。共其杖咸。

咸。讀為函。老臣雖杖於朝。事鬼神尚敬。去之。有司以此函藏之。

既事乃授之。函音咸。去。起呂反。

軍旅授有爵者杖。

別吏卒。且以扶尊者。將軍杖鉞。別彼烈反。卒。子忽反。杖。直亮反。又音丈。鉞音越。

共王之齒杖。

王之所以賜老者之杖。鄭司農云。謂年七十。當以王命受杖者。今時亦命之為王杖。元謂王制曰。五十杖於家。六十杖於鄉。七十杖於國。八十杖於朝。

大行人掌大賓之禮。及大客之儀。以親諸侯。

大賓。要服以內諸侯。大客。謂其孤卿。要於遙反。下文及注同。

春朝諸侯。而圖天下之事。秋覲。以比邦國之功。夏宗。以陳天下之

月元
謨冬遇以協諸侯之慮時會以發四方之禁殷同以施天下之政

此六事者以王見諸侯為文圖比陳協皆考績之言王者春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯則合其慮之異同六服以其朝歲四時分來更迭如此而徧時會即時見也無常期諸侯有不順服者王將有征討之事則既朝王命為壇於國外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同者六服盡朝既朝王亦命為壇於國外合諸侯而命其政政謂邦國之九法殷同四方四時分來歲終則徧矣九伐九法皆在司馬職司馬法曰春以禮朝諸侯圖同事夏以禮宗諸侯陳同謀秋以禮覲諸侯比同功冬以禮遇諸侯圖同慮時以禮會諸侯施同政殷以禮宗諸侯發同禁朝直遙辰後皆同批

毗志反注同春見徐賢遍反戚如字夏秋冬放此更音庚迭直結反徧音遍下文注皆同時見賢徧反下殷見同伐如字劉扶發反

時聘以結諸侯之好殷覲以除邦國之慝

此二事者亦以王見諸侯之臣使來者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷覲謂一服朝之歲也慝猶惡也一服朝之歲五服諸侯皆使卿以聘禮來覲天子天子以禮見之命以政禁之事所以除其惡行好得報反注同規通弔反應吐得反使也更反行下孟反閒問以諭諸侯之志歸服以交諸侯之福賀慶以贊諸侯之喜致禮以補諸侯之裁

此四者王使臣於諸侯之禮也閒問者閒歲一問諸侯謂存省之屬諭諸侯之志者諭言語諭書名其類也交或往或來者也贊助也致禮之弔禮禮也補諸侯裁者若春秋澶淵之

會謀歸宋財開闢廟之間注同服上忍反禮音會禮市然反

以九儀辨諸侯之命等諸臣之爵以同邦國之禮而待其賓客

九儀謂命者五公侯伯子男也爵者四孤卿大夫士也

上公之禮執桓圭九寸纁藉九寸冕服九章建常九旒樊纓九就
貳車九乘介九人禮九牢其朝位賓主之間九十步立當車軹擯
者五人廟中將幣三享王禮再裸而酢饗禮九獻食禮九舉出入
五積三問三勞諸侯之禮執信圭七寸纁藉七寸冕服七章建常
七旒樊纓七就貳車七乘介七人禮七牢朝位賓主之間七十步
立當前疾擯者四人廟中將幣三享王禮壹裸而酢饗禮七獻食
禮七舉出入四積再問再勞諸伯執躬圭其他皆如諸侯之禮諸
子執穀璧五寸纁藉五寸冕服五章建常五旒樊纓五就貳車五
乘介五人禮五牢朝位賓主之間五十步立當車軹擯者三人廟

中將幣三享王禮壹裸不酢饗禮五獻食禮五舉出入三積壹問
壹勞諸男執蒲璧其他皆如諸子之禮

纁藉以五采韋衣板若奠玉則以藉之冕服者冕所服之衣也

九章者自山龍以下七章者自華蟲以下五章者自宗彝以下

也常旌旗也旒其屬慘垂者也樊纓馬飾也以芻飾之每一處

五采備為一就成就也貳副也介輔已行禮者也禮大禮饗餼

也三牲備為一牢朝位謂大門外賓下車及王車出迎所立處

也王始立大門內交擯三辭乃乘車而迎之齊僕為之節上公

立當軹侯伯立當疾子男立當衡王立當軫與廟受命祖之廟

也饗設盛禮以飲賓也問問不恙也勞謂苦倦之也皆有禮以

幣致之故書裸作果鄭司農云車軹軹也三享三獻也裸讀為

灌再灌再飲公也而酢報飲王也舉舉樂也出入五積謂饋之

芻米也。前疾謂駟馬車轅前胡下垂挂地者。元謂三享皆束帛加璧。庭實惟國所有。朝士儀曰。奉國地所出重物而獻之。明臣職也。朝先享。不言朝者。朝正禮。不嫌有等也。王禮。王以鬱鬯禮賓也。鬱。人職曰。凡祭祀賓客之裸事。和鬱鬯以實彝而陳之。禮者。使宗伯攝酌圭瓚而裸。王既拜送爵。又攝酌璋瓚而裸。后又拜送爵。是謂再裸。再裸。賓乃酢王也。禮侯伯一裸而酢者。裸賓賓。賓酢王而已。后不裸也。禮子男一裸不酢者。裸賓而已。不酢王也。不酢之禮。聘禮禮賓是與。九舉。舉牲體九飯也。出入謂從來訖去也。每積有牢。禮米禾芻薪。凡數不同者。皆降殺。縹音藻。藉在夜反。下及注同。皆同。裸。古亂反。酢。才洛反。食音嗣。下及注皆同。積。子賜反。後皆同。勞。老報反。下及注并小行人司儀職。放此。信音申。後信圭同。衣。於既反。著。丁略反。屬。章玉反。慘。音衫。屬。居例反。齊。側皆反。與音餘。下是與步與皆同。飲於鳩反。下同。恙。羊尚反。餽。本又作饋。求位反。徐紀畏反。掛。張矩反。飯。扶晚反。緜。色界反。

凡大國之孤。執皮帛。以繼小國之君。出入三積。不問壹勞。朝位當

車前。不交擯。廟中無相。以酒禮之。其他皆眡小國之君。

此以君命來聘者也。孤尊。既聘享。更自以其贄見。執束帛而已。

豹皮表之為飾。繼。小國之君。言次之也。朝聘之禮。每國畢。乃前

不交擯者。不使介傳辭交于王之擯。親自對擯者也。廟中無相

介皆入門。西上而立。不前相禮者。聘之介是與。以酒禮之。酒。謂

齊酒也。和之不用鬱鬯耳。其他。謂貳車及介牢禮。賓主之間。擯

者將幣。裸。酢。饗。食之數。想息亮反。注同。李息丈反。摯。本又作贄。音至。見賢遍反。下文壹見而見之。朝見皆同。傳。直專反。齋。才計反。

凡諸侯之卿。其禮各下其君二等。以下及其大夫士皆如之。

此亦以君命來聘者也。所下其君者。介與朝位。賓主之間也。其

餘則自以其爵。聘義曰。上公七介。侯伯五介。子男三介。是謂使

與。下戶嫁反。注同。

邦畿方千里。其外方五百里。謂之侯服。歲壹見其貢祀物。又其外方五百里。謂之甸服。二歲壹見其貢嬪物。又其外方五百里。謂之男服。三歲壹見其貢器物。又其外方五百里。謂之采服。四歲壹見其貢服物。又其外方五百里。謂之衛服。五歲壹見其貢材物。又其外方五百里。謂之要服。六歲壹見其貢貨物。

要服。蠻服也。此六服。去王城三千五百里。相距方七千里。公侯伯子男封焉。其朝貢之歲。四方各四分。趨四時而來。或朝春。或宗夏。或覲秋。或遇冬。祀貢者。犧牲之屬。故書嬪作頻。鄭司農云。嬪物。婦人所為物也。爾雅曰。嬪。婦也。元謂嬪物。絲枲也。器物。尊彝之屬。服物。元纁。絺。纊也。材物。八材也。貨物。龜貝也。

續音曠。徐劉古曠反。

嬪。婦人反。絺。勃之反。劉。豬履反。

九州之外。謂之蕃國。世壹見。各以其所貴寶為摯。

九州之外。夷服。鎮服。蕃服也。曲禮曰。其在東夷。北狄。西戎。南蠻。雖大曰子。春秋傳曰。杞伯也。以夷禮。故曰子。然則九州之外。其君皆子男也。無朝貢之歲。父死子立。及嗣王即位。乃一來耳。各以其所貴寶為摯。則蕃國之君。無執玉瑞者。是以謂其君為小賓。臣為小客。所貴寶。見傳者。若犬。戎。獻。白狼。白鹿。是也。其餘則

周書王會備焉。見賢遍反。一音見如字。傳。直戀反。又直專反。

王之所以撫邦國。諸侯者。歲徧存。三歲徧頰。五歲徧省。七歲屬象。胥諭言語。協辭命。九歲屬瞽史。諭書名。聽聲音。十有一歲。達瑞節。同度量。成牢禮。同數器。脩灋則。十有二歲。王巡守殷國。

撫。猶安也。存。規省者。王使臣於諸侯之禮。所謂閒問也。歲者。巡守之明歲。以為始也。屬。猶聚也。自五歲之後。遂閒歲徧省也。七

歲省而召其象胥。九歲省而召其瞽史。皆聚於天子之宮。教習之也。故書協辭命。作叶詞命。鄭司農云。象胥。譯官也。叶。當為汁。詞。當為辭。書或為叶。辭命。元謂胥。讀為諧。王制曰。五方之民。言語不通。者慾不同。達其志。通其慾。東方曰寄。南方曰象。西方曰狄鞮。北方曰譯。此官正為象者。周始有越重譯而來獻。是因通言語之官。為象胥云。謂謂象之有才知者也。辭命。六辭之命也。瞽樂師也。史。太史小史也。書。各書文字也。古曰名。聘禮曰。百名以上。至十一歲。又徧省焉。度。丈尺也。量。豆區釜也。數器。銓衡也。灋。八灋也。則。八則也。達。同。成。脩。皆謂齊其灋式。行至。則齊等之也。成。平也。平。其僭踰者也。王巡守。諸侯會者。各以其時之方。書曰。遂。覲。東后是也。其殷國。則四方四時分來。如平時。屬徐劉皆章束反。下及注同。叶音協詞。音辭。譯音亦。汁之十反。叶也。又音協。謂思敘反。音市志反。慾音欲。本多作欲。鞮。于兮反。重直龍反。知音智。上時掌反。齋。子兮反。

凡諸侯之王事。辨其位。正其等。協其禮。賓而見之。

王事以王之事來也。詩云。莫敢不來王。孟子曰。諸侯有王。賓劉云。應言損。

小行人職同。

若有大喪。則詔相諸侯之禮。

詔相。左右教告之也。相息亮反。注同。

若有四方之大事。則受其幣。聽其辭。

四方之大事。謂國有兵寇。諸侯來告急者。禮動不虛。皆有贄幣。以崇敬也。受之。以其事。入告王也。聘禮曰。若有言。則以束帛如享禮。

凡諸侯之邦交。歲相問也。殷相聘也。世相朝也。

小聘曰問。殷中也。久無事。又於殷朝者。及而相聘也。父死子立曰世。凡君即位。大國朝焉。小國聘焉。此皆所以習禮。考義。正刑。

一德以尊天子也。必擇有道之國而就脩之。鄭司農說殷聘以春秋傳曰孟僖子如齊殷聘是也。

小行人掌邦國賓客之禮籍以待四方之使者。

禮籍名位尊卑之書。使者諸侯之臣使來者也。使色吏反。注同。後使者使適使之四方。竹使使

臣音同。

令諸侯春入貢。秋獻功。王親受之。各以其國之籍禮之。

貢。六服所貢也。功。考績之功也。秋獻之。若今計文書斷於九月。其舊法。

凡諸侯入王。則逆勞于畿。

鄭司農云。入王朝於王也。故春秋傳曰。宋公不王。又曰。諸侯有王。王有巡守。

及郊勞。眠館將幣。為承而擯。

眠館。致館也。承。猶丞也。王使勞賓於郊。致館於賓。至將幣。使宗

伯為上擯。皆為之丞而擯之。視。與音。

凡四方之使者。大客則擯。小客則受其幣而聽其辭。

擯者。擯而見之。王使得親言也。受其幣者。受之以入。告其所為

來之事。為子偽反。

使適四方。協九儀。賓客之禮。朝覲宗遇會同。君之禮也。存覘省聘

問。臣之禮也。

適。之也。協。合也。

達天下之六節。山國用虎節。土國用人節。澤國用龍節。皆以金為之。道路用旌節。門關用符節。都鄙用管節。皆以竹為之。

此謂邦國之節也。達之者。使之四方。亦皆齎法式以齊等之也。諸侯使臣行覘聘。則以金節授之。以為行道之信也。虎人龍者。

自其國象也。道路謂鄉遂大夫也。都鄙者公之子弟及卿大夫之采地之吏也。凡邦國之民遠出至他邦他邦之民若來入由國門者門人為之節。由關者關人為之節。其以徵令及家徙鄉遂大夫及采地吏為之節。皆使人執節將之以達之。亦有期以反節。管節如今之竹使符也。其有商者通之以符節。如門關門關者於市聯事節可同也。亦所以異於畿內也。凡節有天子法式存於國。

成六瑞。王用璜圭。公用桓圭。侯用信圭。伯用躬圭。子用穀璧。男用蒲璧。

成平也。瑞信也。皆朝見所執以為信。

璜劉吐電反。按王執鎮圭。璜宜作鎮音。

合六幣。圭以馬。璋以皮。璧以帛。琮以錦。琥以繡。璜以黼。此六物者以和諸侯之好故。

合同也。六幣所以享也。五等諸侯享天子用璧。享后用琮。其大各如其瑞。皆有庭實以馬若皮。皮虎豹皮也。用圭璋者二王之後也。二王後尊。故享用圭璋而特之。禮器曰圭璋特。義亦通於此。其於諸侯亦用璧琮耳。子男於諸侯則享用琥璜。下其瑞也。凡二王後諸侯相享之玉。大小各降其瑞一等。及使卿大夫覲聘亦如之。

琮才宗反。琥音虎。璜音黃。好呼報反。

若國札喪則令賻補之。若國凶荒則令調委之。若國師役則令槁禮之。若國有福事則令慶賀之。若國有禍裁則令哀弔之。凡此五物者治其事故。

故書賻作傅。槁為橐。鄭司農云。賻補之。謂賻喪家補助其不足也。若今時一室二尸。則官與之棺也。橐當為槁。謂槁師也。元謂師役者國有兵寇以匱病者也。使鄰國合會財貨以與之。春秋

定五年夏歸粟於蔡是也宗伯職曰以禴禮哀圍敗禍裁水火

禴音報反禴音會。稟古老反。

及其萬民之利害為一書其禮俗政事教治刑禁之逆順為一書其悖逆暴亂作慝猶犯令者為一書其札喪凶荒厄貧為一書其康樂和親安平為一書凡此五物者每國辨異之以反命于王以周知天下之故

慝惡也。猶圖也。治直吏反。樂音洛。

司儀掌九儀之賓客擯相之禮以詔儀容辭令揖讓之節

出接賓曰擯入贊禮曰相以詔者以禮告王相息亮反此職內經注除相為賓相朝相授相親相

隨相待相為國客相聘相禮皆同

將合諸侯則令為壇三成宮旁一門

合諸侯謂有事而會也為壇于國外以命事宮謂壇土以為牆

處所謂為壇壇宮也天子春帥諸侯拜日於東郊則為壇於國

東夏禮日於南郊則為壇於國南秋禮山川丘陵於西郊則為

壇於國西冬禮月四瀆於北郊則為壇於國北既拜禮而還加

方明於壇上而祀焉所以教尊尊也覲禮曰諸侯覲於天子為

宮方三百步四門壇十有二尋深四尺是也王巡守殷國而同

則其為宮亦如此與鄭司農云三成三重也爾雅曰丘一成為

敦丘再成為陶丘三成為昆侖丘謂三重

同敦音頓沈又都門反陶徒力反侖力門反

詔王儀南鄉見諸侯士揖庶姓時揖異姓天揖同姓

謂王既祀方明諸侯上介皆奉其君之旂置于宮乃詔王升壇

諸侯皆就其旂而立諸公中階之前北面東上諸侯東階之東

西面北上諸伯西階之西東面北上諸子門東北面東上諸男

門西。北面東上。王揖之者。定其位也。庶姓無親者也。土揖。推手小下之也。異姓昏姻也。時揖。平推手也。衛將軍文子曰。獨居思仁。公言言義。其聞詩也。一日三復。自主之玷。是南宮縚之行也。

夫子信其仁。以為異姓。故妻之也。天揖。推手小舉之。復音服。或音服。反玷。子簞反。沈

都念反。縚吐刀反。行。下孟反。

及其擯之。各以其禮。公於上等。侯伯於中等。子男於下等。

謂執玉而前見於王也。擯之。各以其禮者。謂擯公者五人。侯伯四人。子男三人也。上等中等下等者。謂所奠玉處也。壇三成。深四尺。則一等一尺也。壇十有二等。方九十六尺。則堂上二丈四尺。每等丈二尺。與諸侯各於其等。奠玉降拜。升成拜。明臣禮也。

既乃升堂。授王玉。見賢。遍反。

其將幣亦如之。其禮亦如之。

將幣。享也。禮謂以鬱鬯裸之也。皆於其等之上。

王燕則諸侯毛。

謂以須髮坐也。朝事尊尊。上爵燕則親親。上齒。鄭司農云。謂老者在上也。老者二毛。故曰毛。毛謂須髮也。劉本作耄音毛。

凡諸公相為賓。

謂相朝也。

主國五積。三問。皆三辭。拜受。皆旅擯。再勞。三辭。三揖。登。拜受。拜送。賓所停止。則積。間闕。則問。行道。則勞。其禮皆使卿大夫致之。從來至去。數如此也。三辭。辭其以禮來於外也。積問。不言登。受之於庭也。鄭司農云。旅。讀為旅於泰山之旅。謂九人傳辭。相授於上下。竟。問賓。從末上行。介還受。上傳之。元。謂旅。讀為鴻臚之臚。臚。陳之也。賓之介九人。使者七人。皆陳擯位。不傳辭也。賓之上。

介出請使者則前對位皆當其末擯焉。三揖謂庭中時也。拜送送使者。旅如字。又音臚。方於反。傳直專反。下除春秋傳皆同。未上時掌反。下上傳上車同。

主君郊勞。交擯三辭。車逆拜辱。三揖。三辭。拜受。車送。三還。再拜。

主君郊勞。備三勞而親之也。鄭司農云。交擯三辭。謂賓主之擯者。俱三辭也。車逆。主人以車迎賓於館也。拜辱。賓拜謝辱也。元謂交擯者。各陳九介。使傳辭也。車迎拜辱者。賓以主君親來。乘車出舍門而迎之。若欲遠就之。然見之則下拜迎。謝其自屈辱來也。至去。又出車。若欲遠送。然主君三還辭之。乃再拜送之也。車送迎之節。各以其等。則諸公九十步。立當車軹也。三辭重者。先辭。辭其以禮來於外。後辭。辭升堂。

致館亦如之。

館。舍也。使大夫授之。君又以禮親致焉。

致飧如致積之禮。

俱使大夫禮同也。飧。食也。小禮曰飧。大禮曰饗。餼。饋也。反下同。

及將幣。交擯三辭。車逆拜辱。賓車進答拜。三揖。三讓。每門止一相。及廟。唯上相入。賓三揖。三讓。登再拜。授幣。賓拜送幣。每事如初。賓亦如之。及出車送。三請。三進。再拜。賓三還。三辭。告辟。

鄭司農云。交擯。擯者交也。賓車進答拜。賓上車進。主人乃答其拜也。及出車送。三請。主人三請留賓也。三進。進隨賓也。賓三還。三辭。告辟。賓三還辭謝言已辟去也。元謂既三辭。主君則乘車出大門而迎賓。見之而下拜其辱。賓車乃前下答拜也。三揖者。相去九十步。揖之使前也。至而三讓。讓入門也。相。謂主君擯者及賓之介也。謂之相者。於外傳辭耳。入門當以禮詔侑也。介紹而傳命者。君子於其所尊不敢質。敬之至也。每門止一相。彌相

親也。君入門，介拂闈。大夫中棖與闈之間，士介拂棖。此為介鴈行相隨也。止之者，絕行在後耳。賓三揖，三讓，讓升也。登再拜授幣。授當為受，主人拜至，且受玉也。每事如初，謂享及有言也。賓當為償，謂以鬱鬯禮賓也。上於下曰禮，敵者曰償，禮器曰諸侯相朝，灌用鬱鬯，無籩豆之薦，謂此朝禮畢，償賓也。三請三進，請賓就車也。主君每一請，車一進，欲遠送之也。三還三辭，主君一請者，賓亦一還一辭。授依注，音受。賓亦依注音賓。下賓使者同辟音避。劉薄歷反。注同。下客辟三辟趨辟放此。已辟音避。伯音又。闈魚列反。棖直庚反。行戶剛反。

致饗餼還圭饗食致贈郊送皆如將幣之儀

此六禮者，惟饗食速賓耳。其餘主君親往，親往者賓為主人。主人為賓，君如有故，不親饗食，則使大夫以酬幣侑幣致之。鄭司農云：還圭，歸其玉也。故公子重耳受飧反璧，元謂聘以圭璋禮也。享以璧琮財也。已聘而還圭璋，輕財而重禮，贈送以財，既贈

又送至于郊。還音環，又音旋。食音嗣。凡饗食皆同。

賓之拜禮拜饗餼拜饗食

鄭司農云：賓之拜禮者，因言賓所當拜者之禮也。所當拜者，拜饗餼拜饗食。元謂賓將去，就朝拜謝此三禮。三禮禮之重者也。賓既拜，主君乃至館贈之，去又送之于郊。

賓繼主君皆如主國之禮

鄭司農云：賓繼主君，復主人之禮費也。故曰：皆如主國之禮。元謂繼主君者，償主君也。償之者，主君郊勞，致館饗餼，還圭贈郊送之時也。如其禮者，謂玉帛皮馬也。有饌陳之積者，不如也。若饗食，主君及燕，亦速焉。費考味反。

諸侯諸伯諸子諸男之相為賓也，各以其禮相待也。如諸公之儀

賓主相待之儀與諸公同也。饗餼饗食之禮。則有降殺。殺色界反。下豐殺則

殺及後殺禮皆同。

諸公之臣相為國客。

謂相聘也。

則三積皆三辭拜受。

受者受之於庭也。侯伯之臣不致積。

及大夫郊勞。旅擯三辭拜辱。三讓登聽命。下拜。登受賓使者如初之儀。及退拜送。

登聽命。賓登堂也。賓當為僮。勞用束帛。僮用束錦。侯伯之臣受勞於庭。

致館如初之儀。

如郊勞也。不僮耳。侯伯之臣致館于庭。不言致餼者。君於聘大

夫不致餼也。聘禮曰。餼不致。賓不拜。

及將幣。旅擯三辭拜逆。客辟三揖。每門止一相。及廟唯君相入。三讓。客登拜。客三辟授幣。下出。每事如初之儀。

客辟。逡巡不答拜也。惟君相入。客臣也。相不入矣。拜主君拜客至也。客三辟。三退負序也。每事。享及有言。遂七句反。

及禮私面私獻。皆再拜稽首。君答拜。

禮以醴禮客。私面私覲也。既覲則或有私獻者。鄭司農說私面以春秋傳曰。楚公子棄疾見鄭伯。以其乘馬私面。

出及中門之外。問君。客再拜對。君拜。客辟而對。君問大夫。客對。君勞客。客再拜稽首。君答拜。客趨辟。

中門之外。即大門之內也。問君曰。君不恙乎。對曰。使臣之來。寡君命臣于庭。問大夫曰。二三子不恙乎。對曰。寡君命使臣于庭。

二三子皆在。勞客曰：道路悠遠，客甚勞。勞介則曰：二三子甚勞。問君客再拜對者，為敬慎也。客甚勞，如字。下甚勞，勞辱同。

致饗餼。如勞之禮。饗食，還圭。如將幣之儀。

饗食，亦謂君不親而使大夫以幣致之。

君館客。客辟介受命，遂送。客勿拜辱于朝。

君館客者，客將去就省之。盡殷勤也。遂送，君拜以送客。勿本亦作從。同才用反。

明日客拜禮賜，遂行。如入之積。

禮賜，謂乘禽。君之加惠也。如入之積，則三積。從來至去。乘繩證反。下乘皮同。

凡侯伯子男之臣，以其國之爵相為客而相禮，其儀亦如之。

爵，卿也。大夫也。士也。

凡四方之賓客，禮儀辭命餼牢，賜獻以二等，從其爵而上下之。

上下猶豐殺也。上時掌反。

凡賓客送逆同禮。

謂郊勞郊送之屬。

凡諸侯之交，各稱其邦而為之幣，以其幣為之禮。

幣，享幣也。於大國則豐，於小國則殺。主國禮之，如其豐殺。謂賄

用束紉禮，用玉帛乘皮及贈之屬。稱尺證反。紡方行反。

凡行人之儀，不朝不夕，不正其主面，亦不背客。

謂擯相傳辭時也。不正東鄉，不正西鄉。常視賓主之前，却得兩

鄉之而已。朝如字。又直遙反。音佩。鄉許亮反。下同。

行夫。掌邦國傳遽之小事，媿惡而無禮者，凡其使也，必以旌節。雖

道有難而不時，必達。

傳遽，若今時乘傳騎驛而使者也。美福慶也。惡喪荒也。此事之

小者，無禮行夫主使之道有難，謂遭疾病他故，不以時至也。必

達王命不可廢也。其大者有禮。大小行人使之。有故則介傳命。不嫌不達。傳張戀反。注同。據其庶反。使色吏反。注及下同。難乃且反。注同。傳直宜反。象胥職同。

居於其國則掌行人之勞辱事焉。使則介之。

使謂大小行人也。故書曰夷使。鄭司農云。夷使使於四夷。則行。夫主為之介。元謂夷發聲。音夷。焉劉音夷。

環人掌送逆邦國之通賓客。以路節達諸四方。

通賓客以常事往來者也。路節旌節也。四方圻上。

舍則授館。令聚禱。有任器則令環之。

令。令野廬氏也。鄭司農云。四方人有任器者。則環人主令殉環守之。殉徐音循。或辭俊反。

凡門關無幾送逆及疆。

鄭司農云。門關不得苛留環人也。元謂環人送逆之。則賓客出。

人。不見幾。疆唐良反。音音。何又呼何反。

象胥掌蠻夷閩貉戎狄之國使。掌傳王之言而諭說焉。以和親之。

謂蕃國之臣來類聘者。閩亡巾反。又音文貉。亡百反。使所吏反。

若以時入賓則協其禮。與其辭言傳之。

以時入賓。謂其君以世一見來朝為賓者。見賢遍反。

凡其出入送逆之禮節。幣帛辭令。而賓相之。

從來至去皆為擯。而相侑其禮儀。賓音擯。下同。相息亮反。下同。

凡國之大喪。詔相國客之禮儀。而正其位。

客。謂諸侯使臣來弔者。

凡軍旅會同。受國客幣。而賓禮之。

謂諸侯以王有軍旅之事。使臣奉幣來問。

凡作事。王之大事。諸侯次事。卿次事。大夫次事。士士下事。庶子。

作使也。鄭司農云。王之大事。諸侯使諸侯執大事也。次事。卿使卿執其次事也。次事使大夫。次事使上士。下事使庶子。

掌客。掌四方賓客之牢禮餼獻飲食之等數。與其政治。

政治。邦新殺禮之屬。治。直吏。反。注同。

王合諸侯而饗禮。則具十有二牢。庶具百物備。諸侯長十有再獻。

饗諸侯而用王禮之數者。以公侯伯子男盡在是。兼饗之。莫敵

用也。諸侯長九命作伯者也。獻公侯以下。如其命數。長。丁丈反。注同。敵。丁歷反。

王巡守殷國。則國君膳以牲。犢令百官。百姓皆具。從者三公。眡上

公之禮。卿眡侯伯之禮。大夫眡子男之禮。士眡諸侯之卿禮。庶子

壹眡其大夫之禮。

國君者。王所過之國君也。犢。繭栗之犢也。以膳天子。貴誠也。牲

孕。天子不食也。祭帝不用也。凡賓客則皆角尺。令者。掌客令主

國也。百姓皆具。言無有不具備。從才用反。下注從賓同。繭。古典反。

凡諸侯之禮。上公五積。皆眡。飧牽。三問。皆脩。羣介行人。宰史。皆有

牢。飧五牢。食四十。簋十。豆四十。鉶四十。有。二。壺四十。鼎。簋十。有。二。

牲三十。有。六。皆陳。饗餼九牢。其死牢如飧之陳。牽四牢。米百。有。二。

十。筥。醯醢百。有。二十。饗車。皆陳。車米。眡生牢。牢十車。車乘。有。五。簋。

車。禾。眡死牢。牢十車。車三秬。芻薪倍禾。皆陳。乘禽。日九十。雙。殷。膳。

大牢。以及歸。三饗。三食。三燕。若弗酌。則以幣致之。凡介行人。宰史。

皆有飧。饗餼。以其爵等為之。牢禮之陳數。唯上介有禽獻。夫人致

禮。八壺。八豆。八籩。膳大牢。致饗大牢。食大牢。卿皆見。以羔。膳大牢。

侯伯四積。皆眡。飧牽。再問。皆脩。飧四牢。食三十。有。二。簋。八。豆三十。

有。二。鉶。二十。有。八。壺三十。有。二。鼎。簋十。有。二。腥。二十。有。七。皆陳。饗

餼七牢。其死牢如飧之陳。牽三牢。米百。筥。醯醢百。饗。皆陳。米三十。

司農秋官

掌客

禮

福禮堂

車禾四十車。芻薪倍禾。皆陳。乘禽日七十雙。般膳大牢。三饗。再食。再燕。凡介行人。宰史皆有殮饗餼。以其爵等為之禮。唯上介有禽。獻。夫人致禮。八壺。八豆。八簋。膳大牢。致饗大牢。卿皆見。以羔。膳特牛。子男三積。皆眡殮。牽。壹問。以脩。殮三牢。食二十有四。簋六。豆二十有四。鉶十有八。壺二十有四。鼎簋十有二。牲十有八。皆陳。饗餼五牢。其死牢如殮之陳。牽二牢。米八十筥。醯醢八十。饗皆陳。米二十車。禾三十車。芻薪倍禾。皆陳。乘禽日五十雙。壹饗。壹食。壹燕。凡介行人。宰史皆有殮饗餼。以其爵等為之禮。唯上介有禽。獻。夫人致禮。六壺。六豆。六簋。膳。眡致饗。親見。卿皆膳。特牛。

積皆視殮。牽謂所共如殮。而牽牲以往。不殺也。不殺則無鉶。鼎簋簋之實。其米實于筐。豆實實于甕。其設筐陳于楹內。甕陳于楹外。牢陳于門西。車米禾芻薪陳于門外。壺之有無未聞。三問

皆脩。脩脯也。上公三問。皆脩。下句云。羣介行人。宰史皆有牢。君用脩。而臣有牢。非禮也。蓋著脫字失處。且誤耳。殮客始至。致小禮也。公侯伯子男。殮皆飴一牢。其餘牢則腥。食者其庶羞美可食者也。其設蓋陳于楹外。東西。不過四列。簋稻梁器也。公十簋。堂上六。西夾東夾各二也。侯伯八簋。堂上四。西夾東夾各二。子男六簋。堂上二。西夾東夾各二。豆菹醢器也。公四十豆。堂上十六。西夾東夾各十二。侯伯三十二豆。堂上十二。西夾東夾各十。子男二十四豆。堂上十二。西夾東夾各六。禮器曰。天子之豆二十有六。諸公十有六。諸侯十有二。上大夫八。下大夫六。以聘禮差之。則堂上之數。與此同。鉶羹器也。公鉶四十二。侯伯二十八。子男十八。非衰差也。二十八。書或為二十四。亦非也。其於衰。公又當三十。於言又為無施。禮之大數。鉶少於豆。推其衰。公鉶四

十二宜為三十八。蓋近之矣。則公鉶堂上十八。西夾東夾各十。侯伯堂上十二。西夾東夾各八。子男堂上十。西夾東夾各四。壺酒器也。其設於堂夾。如豆之數。鼎。牲器也。簋。黍稷器也。鼎十有二者。鉶一牢。正鼎九。與陪鼎三。皆設于西階前。簋十二者。堂上八。西夾東夾各二。合言鼎簋者。牲與黍稷俱食之主也。牲當為腥。聲之誤也。腥。謂腥鼎也。於侯伯云腥二十有七。其故腥字也。諸侯禮盛。腥鼎有鮮魚鮮腊。每牢皆九為列。設于阼階前。公腥鼎三十六。腥四牢也。侯伯腥鼎二十七。腥三牢也。子男腥鼎十八。腥二牢也。皆陳陳列也。殮。門內之實。備于是矣。亦有車米禾芻薪。公殮五牢。米二十車。禾三十車。侯伯四牢。米禾皆二十車。子男三牢。米十車。禾二十車。芻薪皆倍其禾。饗餼。既相見。致大禮也。大者。既兼殮積。有生。有腥。有孰。餘又多也。死牢如殮之陳。

亦鉶一牢。在西。餘腥在東也。牽。生牢也。陳于門西。如積也。米橫陳于中庭。十為列。每筥半斛。公侯伯子男黍梁稻皆二行。公稷六行。侯伯稷四行。子男二行。醢。醢夾碑。從陳。亦十為列。醢在碑東。醢。在碑西。皆陳於門內者。於公門內之陳也。言車者。衍字耳。車米。載米之車也。聘禮曰。十斗曰斛。十六斗曰簋。十簋曰秉。每車秉有五簋。則二十四斛也。禾。稟實。并刈者也。聘禮曰。四秉曰筥。十筥曰稷。十稷曰秬。每車三秬。則三十稷也。稷。猶束也。米禾之秉。筥。字同。數異。禾之秉。手把耳。筥。讀為棟。栝之栝。謂一齊也。皆陳橫陳門外者也。米在門東。禾在門西。芻薪雖取數於禾。薪從米芻從禾也。乘禽。乘行羣處之禽。謂雉鴈之屬。於禮以雙為數。殷中也。中又致膳。示念賓也。若弗酌。謂君有故。不親饗食。燕也。不饗則以酬幣致之。不食則以侑幣致之。凡介行人宰史。眾

臣從賓者也。行人主禮。宰主具。史主書。皆有飧饗餼。尊其君以
及臣也。以其爵等爲之。牢禮之陳數。爵卿也。則飧二牢。饗餼五
牢。大夫也。則飧大牢。饗餼三牢。士也。則飧少牢。饗餼大牢也。此
降小禮。豐大禮也。以命數則參差難等。略於臣。用爵而已。夫人
致禮。助君養賓也。籩豆陳於戶東。壺陳於東序。凡夫人之禮。皆
使下大夫致之。於子男云。膳視致饗。言夫人致膳於小國君。以
致饗之禮。則是不復饗也。饗有壺酒。卿皆見者。見於賓也。既見
之。又膳之。亦所以助君養賓也。卿見又膳。此聘禮。卿大夫勞賓
餼賓之類。與於子男云。親見卿皆膳。特牛。見讀如卿皆見之。見
言卿於小國之君。有不故造館見者。故造館見者。乃致膳。鄭司
儀說牽云。牲可牽行者也。故春秋傳曰。餼牽竭矣。秬讀爲秬。秬
麻。答之秬。銅音刑。牲二十。依注牲音星。下牲十有八。受牲禮同。管姜呂反。饗烏弄反。數音
口反。劉色縷反。秬丁故反。或丈加反。乘繩證反。下及注同。食音嗣。下食大宰

凡諸侯之卿大夫士爲國客。則如其介之禮以待之。

言其特來聘問。待之禮。如其爲介時也。然則聘禮所以禮賓。是
亦禮介。

凡禮賓客。國新殺禮。凶荒殺禮。札喪殺禮。禍菽殺禮。在野在外殺
禮。

皆爲國省用愛費也。國新。新建國也。凶荒。無年也。禍菽。新有兵
寇水火也。爲于僞反。下
同。費芳味反。

凡賓客死。致禮以喪用。
死則主人爲之具而殯矣。喪用者。饋奠之物。

賓客有喪。惟芻稍之受。

不受饗食。饗食加也。喪謂父母死也。客則又有君焉。芻給牛馬。稍人稟也。其正禮飧饗餼。主人致之則受。稍所教反。舊疎詔反。

遭主國之喪。不受饗食。受牲禮。牲亦當為腥。聲之誤也。有喪不忍煎烹。正禮飧饗餼當熟者。腥

致之也。煎子然反。劉子賤反。烹音庚反。劉音孟反。

掌訝。掌邦國之等籍。以待賓客。

等九儀之差數。

若將有國賓客至。則戒官修委積。與士逆賓于疆。為前驅而入。

官謂牛人羊人舍人委人之屬。士訝士也。既戒乃出迎賓。

及宿。則令聚橐。

令。令野廬氏。廬方於反。

及委。則致積。

以王命致于賓。

至于國。賓入館。次于舍門外。待事于客。

次。如今官府門外更衣處。待事于客。通其所求。索。索色白反。

及將幣。為前驅。

道之以如朝。道音道。下文注道之道賓道王同。

至于朝。詔其位。入復。及退亦如之。

鄭司農云。詔其位。告客以其位次也。入復。客入則掌訝出。復其

故位也。客退復入迎。為之前驅。至于館也。元謂入復者。入告王

以客至也。退亦如之。如其為前驅。退復扶又反。為於偽反。亦如字。

凡賓客之治。令訝訝治之。

賓客之治。謂欲正其貢賦。理國事也。以告訝。訝為如朝而理之。

治直吏反。注下同。為于偽反。下注為同。

凡從者出則使人道之。

從者凡介以下也。人其屬胥徒也。使道賓客之從者營護之。

用反。

及歸送亦如之。

如之者送至於竟如其前驅聚橐待事之屬。

凡賓客諸侯有卿訝。卿有大夫訝。大夫有士訝。士皆有訝。

此謂朝覲聘問之日。王所使迎賓客於館之訝。

凡訝者賓客至而往詔相其事而掌其治令。

掌交掌以節與幣巡邦國之諸侯及其萬民之所聚者道王之德

意志慮使咸知王之好惡辟行之。

節以為行信幣以見諸侯也。咸皆也。辟讀如辟忌之辟。使皆知

王之所好者而行之。知王所惡者辟而不為。好呼報反。注下皆同。惡烏路反。注同。辟音避。注同。

使和諸侯之好。

有欲相與脩好者則為和合之。

達萬民之說。

說所喜也。達者達之於下。若其國君。

掌邦國之通事而結其交好。

通事謂朝覲聘問也。

以諭九稅之利。九禮之親。九牧之維。九禁之難。九戎之威。

諭告曉也。九稅所稅民。九職也。九禮九儀之禮。九牧九州之牧。

九禁九灋之禁。九戎九伐之戎。

掌察。

掌貨賄。

朝大夫掌都家之國治。

司豐秋官

掌交 掌察 掌貨賄 朝大夫

空

福禮堂

都家。王子弟公卿及大夫之采地也。主其國治者。平理其來文書於朝者。治直吏反。注下同。

曰朝以聽國事故以告其君長。

國事故。天子之事。當施於都家者也。告其君長使知而行之也。君謂其國君長其卿大夫也。長丁丈反。注同。

國有政令則令其朝大夫。

使以告其都家之吏。

凡都家之治於國者必因其朝大夫然後聽之。唯大事弗因。

謂以小事文書來者。朝大夫先平理之。乃以告有司焉。大事者非朝大夫所能平理。

凡都家之治有不及者則誅其朝大夫。

不及謂有稽殿之。殿都練反。

在軍旅則訟其有司。

有司都司馬家司馬。

都則闕。

都士闕。

家士闕。

This image shows a blank page from an old ledger or account book. The page is ruled with a grid of 12 vertical columns and 10 horizontal rows. The columns are of varying widths, with the first column on the left being the widest, followed by several narrower columns, and the last column on the right being the narrowest. The paper is aged and yellowed, with some staining and wear visible. The grid is drawn with dark ink, and the overall appearance is that of a well-used but currently empty record book.

月
元
前

三

